

# *KAHA MUKATANGA YOVE*

## *MWAKAHETA CHIKOLO*

### *CHA VAKAKOLE JENYI*



Nguli, nge omu chapwa, ola yimwe mokomoko yivali. Ou pashita kukatuka, ambile ngwenyi, “Jino, Ngwatondo kujimbula kuli enu vosena vakukotokela Mukulwane Branham.” Chamwaza, Ngukwechi vyuma vyavivulu vyakulinga ngocho shikaho Ngwa—Ngwakotokela chindende. Oloze lwola luno Ngwahonene kuchikafwa. Chapwile mwomwo ya ngonde yalingishile luno lwola. Ngunahase kupwa mungonde nakupwamo. Atelele kuchimika, Ndumbu walunga Rose, chindende kaha. Chimene chamwaza, Ndumbu wapwevo Rose. Kaha kuwahilila kupwa na chimene chino hano, Ndumbu walunga Rose na Ndumbu wapwevo Rose, kaha Ndumbu walunga Sharrit, kaha vandumbwami vavavulu, enu vathu vamwaza kuze.

<sup>2</sup> Nguli nakwivwa chize, muthu umwe kungulweka, “Nge nayinoka mu Phoenix, muthu wosena kupwa kaha mukahela,” kwalumuka kana, munatachikiza. Likumbi limwe mumakumbi awa Nguli nakuya nakupwa nakulya chawana. Vakiko kungulweka yami ne uli nakuya nakupwa nakulya chawana hakala likumbi mwomwo likumbi kalyeshi nakumunyikako. Nguli nakuya nakutala lelo, kulingisa vakiko kufweta hali chize.

<sup>3</sup> Ngwapwile nakuhanjika ufuku unahichi, kulovoka muliuka. Ngunahono kwanuka lijina kana. Kaha shikaho etu twapwanga na lwola lwamwaza, ufuku unahichi, lwakulovoka mukutanga. Kaha kuli Ndumbu walunga Outlaw, kaha kuya naku Tempe, kaha etu kupwa na lwola lwamwaza muli echi kulikata. Kaha Nguli nakuvandamina kuliwana na vandumbu wamalunga vakakuzata vosena kuze kukuliwana chachinene, shikaho etu natuya nakupwa nalwola lwakuvwisa woma, Ndumbu walunga Rose, na kuhanjika kuli umwe namukwavo. Kaha omu mukiko Ngunejila, kupwa na kulikata. Kaha etu twapwile. . . kutala ha kwala chetu na kuwana vihela vyavivulu. Oloze Ngwashinganyekele apwile nalisesa lyalinene, mwomwo Ngwatela ku—ku liwana navamwe vakuhandunuka, kumona vakikok kuhita nakuya.

<sup>4</sup> Lwola lumwe mu kunangula, kala mukakuzata veji kuhona kumwivwushisa, jila yimwe mokomoko ikwavo. Lwola lwaluvulu, vathu kumbata chumachimwe chize ove muhanjika

kaha kupwa kaha . . . Echi kukundamina chindende hali vakiko, shikaho vakiko kuya nakuhanjika echi mujila kana. Kaha jino wakushisaho, kukundamina chindende chikuma. Chuma chatete munatachikiza, chili chakufuma mujila.

<sup>5</sup> Shikaho—shikaho etu, lwola lwaluvulu, mu kunangula, Ngweji kuhita namuvikungulwilo na mumazuvu na vyuma. Lwola lumwe, vathu ngwavo jino, “Ndumbu walunga Branham ali nakufumbukila chikungulwilo.” Echi chakuhenga. Kangweshi nakole na chikungulwiloko. Oloze lunapu lwola lwaluvulu vathu veji kukundamina hali lize lizavu, mwamono, kaha kuhaka vitalilo vyavo hali chize kachi hali Kulishituko.

<sup>6</sup> Vakiko vanatondo kumona mamembala vangahi vanahase kupwa muli chize chikungulwilo. Jino, echi chili vene chamwaza. Ngwa—Ngwa . . . Echi chosena chakwoloka. Ngwashinganyeka nge kala chikungulwilo chatela kupwa membala wosena nahase kupwa nacho. Echi chili chamwaza. Oloze omu enu namwiza nakumbata vakuzeneka kwalumuna na kuhaka chikuma hali chize kuhambakana kukundamina hali Shipilitu Wajila, nge Ndumbu walunga Rose apwile nakuhanjika hano hanyima chindende, na vyuma, kahajino enu mbatenu—enu mbatenu vathu kushinganyeka, “Etu twapandama kuli *echi*, kaha etu twapandama kuli *chize*.” Hanyima ya vyosena, etu twapandama kuli Kalunga. Talenu?

<sup>7</sup> Jino, kachi Ngwamwene muthu kuya nakushikumuka mukalwiji muwato . . . Kaha Ngwatwama kwakamwihi na kalwiji mu Indiana, uze Kalwiji Ohio, kaha Ngwatwama kwakamwihi na pola. Chihela chimwe chachipi, jize jipola, mwomwo najiya nakuliwana haze vene jino. Kachi ove muhita haze hajipola, kakweshi wato nauhita nawo, mwomwo yinapu, pamo fwote mokomoko fifite foot mukukunama, kaha jino kukinduka chachinene cheji kufuma kwishi, chize chili vene nakuveta haze halilolwa, kwishi ya lilolwa. Kaha Ngunashinganyeka ize—ize—ize jikapu, jikapu jitoma, kulichika kwishi ya jipola helu kuheta fwote feti, talenu, kuze ili nakuveta, kutuka cheka. Kaha jino kuya kaha nakuchikima ngachize, kaha kuya nakushikumuka mu sapi yayinene ize ili pamo sikisite mokomoko sevete feti. Kaha muze mukajinga muze mulinakulijingila na kujinguluka mujila *eyi*, kaha kuneha nakulovoka nakuya nakuhita mujila kana. Kuze kakweshi jilako yakuyoyela, munamono.

<sup>8</sup> Muthu umwe afumine hano lwola lu we kunyima okwo na kahuma kakuyoya. Vakiko vamwene chuma omwo ikiye aholokele, nge *ngachize*. [Ndumbu walunga Branham kuveta munwe wenyi—Muka.] Numba uze kahuma, kaha muta wamumbachile kumutwala kwishi. Kaha kanda kulinga kumuwana ikiye. Kanda vatachikiza kwiza kuli ikiye. Ikiye akakachilile kumalolwa mokomoko kujisongo kwishi kuze,

pamo tando ya milosi mokomoko kujinguluka kavali, nge ngachize, kaha kakweshi jila ya kuyoyela.

<sup>9</sup> Kaha kachi Ngwamwene muthuumwe kuya kukalwiji muwato waundende, kutwama kuze nakutanga, kuyalika, kaha Nguli nakuya nakutambakana hali ikiye, “Fuma omwo muwato. Owo wato kaweshi kuhasa owo makimbako.” Jino, echi kacheshiko Nguli nakupwa nakalachuma hali uze muthu, numba kachi Nguli nakutambakana hali ikiye kufuma nakuhanjika chikuma hali ikiye. Echi kacheshi nge Kangweshi nachuma hali ikiyeko. Ngwamuzanga uze muthu, oloze Ngunatachikiza ikiye ali nakuya nakuchikikika. Ou ukiko mulonga Nguli nakutambakana hali ikiye. Mwomwo ikiye keshi... Echi chili mwomwo Ngwamuzanga ikiye, ou—ou ukiko mulonga Nguli nakutambakana. Kachi Kangwalizakaminyineko, Nanguya nakuhanjika, “Chamwaza, afumise kalemesa,” yako lika, talenu, kachi Kangwalizakaminyineko.

<sup>10</sup> Oloze mulonga Ngulinakuhanjika vyuma kana mwomwo Ngunapu wakufwila hali eli Liuka. Ngu—Ngunapu wakufwila hali Liuka Iya Kalunga. Kaha Nguna—Ngunajinji nakumona Echi kwiza muvishinganyeka vyachikungulwilo. Kaha Ngunatachikiza chize, nge ize jila ize kala liuka Iyayile mumalolwa, muzevene nge ngachize, muzevene kuhita ize zachiso ya chikungulwilo.

<sup>11</sup> Shinganyeka kaha kuhizumuka mulwola lwa va Luteleni, tala oho chayile. Kaha hazevene kuveta muli chize, kachakatukile chekako. Vaze va Luteleni kukinduluka kunyima. Tala hali Mesondisiti ya Wesley, kayakindulukileko. Tala hali va Pilgrim Holiness, Nazalene, vosena vakwavo, va Mbaputishiti, Pulishiteliyani. Vakiko vali nakuhizumuka, kaha jino vathu vamwe vakatukile na ngolo ja Kalunga hali ikiye, ikiye aputukile kutambuka mu Shipilitu. Kahajino haze vene uze lunga ayile, kahajino vakiko vatwamine muchikungulwilo kufuma kuli chize.

<sup>12</sup> Nge ize Moody Bible Institute, kuwana chihela, oloze kanda Iyehi kupwa nge Moody. Talenu? Kaha vyuma vize Moody emanyineho, vakiko vanapu miliyoni milosi kufuma hali echi, shikaho enu haze. Kaha jino echi chinapu kutanga chosena, kuze Moody apwile nacho hali Shipilitu, mwamono. Kaha shikaho enu—enu namuwana chize, mu vyuma kana.

<sup>13</sup> Jino, omwo Ngwaputukile chatete, kaha kwiza hano ku Phoenix, myaka yakunyima, mu Pendekosita kutambuka, kupwa na lisesa kuputuka chikungulwilo Iyavene. Vaze vandumbu va Vula ya Makumishilo vejile kuli yami, ngwavo, “Echi chikiko. Echa tuputuke. Mwomwoika, etu natuya nakupwa—nakupwa chachinene kuhambakana vosena.”

14 Ngwambile ngwami, “Keke! Echi kacheshi ngochoko. Echi kacheshi—chize keshi chuma, vandumbwami. Ove uli—ove uli miliyoni milosi kufuma—mujila. Kalunga keshi kuhasa kukisula echiko.” Tanga mujimbu wenu. Tanga Mbimbiliya. Kuze kanda kupwenga chikungulwilo chikwavo kwiza nakulovoka muli echi, nachiza kufuma muli echi. Echi chakwoloka. Echi nachiya nakupwa kulivwasana na kuya nakwingila. . . Echi chili mu seteko ya Lauchiseya jino. Oloze Nanguya nakumilweka, ndumbu walunga, kakweshi cheka lizavu lya Kalunga lya kukisula kukatuka. Kakweshi kukapwa chuma chimweko. Etu tuli ha Kwiza cha Mwata. Talenu? Kaha Kalunga mwaya nakumbata vanasaleho muli echi kuliwana chamauka, chili nakuhita jino, kupwa Mwenga, oloze kakweshi kukapwa chuma chimwe chakulivwasanako, mushipilitu, chekako. Talenu? Echi chili chakukuma.

15 Omwo Nangumona vandumbwami, vandumbwami vamwaza, kukundamina ize jila, kahajino Ngwahingunuineho na vyosena Ngukwechi. Kaha lwola lumwe vandumbu vamaunga kuhanjika, “Chamwaza, Ndumbu walunga Branham ali nakole na etu. Etu twapwa. . .” Echi chakuhenga. Yami! Chize—chize chinapu chuma chakwakusuku kufuma muvishinganyeka, kupwa wakufumbukila kala muthu. Nguli—Nguli hali enu. Yami ngundumbwenu walunga, talenu, kaha kweseka mwami mwosena. Kaha ou ukiko mulonga Kanda lyehe kulinunga nakala chikungulwilo, shikaho Ngunahase kwimana mukachi na kuhanjika, “Ndumbu walunga, kanda. Omu keshi mujila kanako.”

16 Vakiko ngwavo, “Etu twapandama ku Assemblies.” Echi chinapu chamwaza. Va Assemblies of God napunga wakuzua kuli yami. “Etu tunapu vaku Foursquare.” Chamwaza, tala kukisulankana vakiko vanapunga kuli yami. “Etu tunapu va Lijina lya Yesu.” Tala kukisula kana vakiko kupwa kuli yami. “Etu twapwa *vamwe*, vaze *veka*.” Kalachuma, vakiko vosena vinapu kukisula. Vakiko vali—vakiko vanapu vathu ja Kalunga. Talenu? Kaha vathu ja Kalunga vali muli vyosena.

17 Kaha omwo etu natuheta kuli etu vavene, kuhanjika, “Etu tuli kaha chindende hano kuhambakana Liuka lya Kalunga,” mwamono, mokomoko, “Etu tuli vavandende kuhambakana Foursquare mokomoko Lijina lya Yesu,” mokomoko chumachimwe nge ngachize. Omu etu natupwa na. . . Etu twatela kulimbalaka chindende muvishinganyeka. Etu vosena kuya nakulya kulya chachingoloshi lelo, etu kupwa chindanda chanyama chakuhandunuka, oloze etu tuli nakulya chindanda chanyama chochimwe, mwamono. Chize chikiko chishinganyeka. Shikaho chishinganyeka cha echi, chili, kachi—kachi etu tunahase kaha kumona kulikata chetu. Shikaho kanda kuya nakukundamina ha chikungulwilo. Kukundamina kutwala ku Kavali. Enu namwiza nakupwa vakufwa kuvyuma

kana. Talenu? Kaha Ngwafwelela . . .

<sup>18</sup> Echa nguhanjike echi shimbu chili muvishinganyeka vyami. Ngwafwelela nge lizavu linahemene chihanda chamwaza. Mwomwo, kuli jiola jajivulu, vandumbwami, nge omu tunajinda kushinganyeka echi, kuze kunapunga vyuma kupwa mukachi ketu, kaha vyuma nge ngachize, chize chinapunga kuzaluka. Kaha vathu kumbata chize kuzaluka kaha kumwanga vaze vathu mukala jila. Kaha lizavu lya vandumbu vamalunga kupwa hamwe chize . . . chize Ngwa . . . Chuma Ngunatwale shina kuya nge vakiko kulinga mumakumbi akuputuka kaha vyuma vyamuyachi kana. Kaha—kaha etu tuli nawo na lelo, talenu, hanga na kutambuka. Kaha vathu vaze vanahase kulineha vavene hamwe . . .

<sup>19</sup> Chize chifwanyisa chivene cha Pendekosita, kukushinganyeka chami, omwo chejile nakupwa na chikungulwilo, napu—eli liuka, Ndumbu walunga Pethrus, liuka lya Filadelfia mu Sweden. Jino, vakiko kavazakamako muyachi wa kunangula muka uli nawo, kachi kaha chinapu Chisoneka. Kachi ove unatondo kumona *echi* muli eyi jila, *ize* jila, mokomoko kalachuma, kachi ove uli na kulikata na kuyoya chivene chitoma. Yenu haze vene. Echi chamwaza. Kaha kachi ove unatondo kuhanjika nge Yesu ali nakwiza ha kavalu utoma, kaha mukwavo ngwenyi Ikiye ali nakwiza ha livwi utoma, tala hali Ikiye mujila kana. Twalilaho kuya kulutwe, kachi ove muyoya chiyoyelo chamwaza na kupwa mukulikata. Omu mukiko mujila. Mukiko kaha.

<sup>20</sup> Chize, chamwaza, jino, ou ukiko mulonga, masepa, nge Nguli na lizavu lya vaka Business Men. Mwomwo, Ngunatachikiza kuli vyuma vyavivulu muze vyatela kwolola. Oloze echi chili—echi chili chamwaza chize etu tuli nacho. Yaah. Echi chakwoloka. Yaah. Kuli vyuma vyavivulu vize Nanguya nakuhanjika. Kaha—kaha enu, vandumbwami hano navaya nakumilweka, Kangweshi kuvunga jifwanyinji hali vakikoko. Nguli hano nge ngamba ya Kalunga, kwambulula Muchano. Kaha Ngwatela kukumbulula hali echi. Echi chakwoloka. Ndumbu walunga Rose ngwenyi, “Shikangaho etu twakuzangila ove.” Chamwaza, chize—chize, chamwaza, etu katweshi . . . Etu—etu twatela kutwama na eli Lizu. Talenu?

<sup>21</sup> Lwolalumwe kunyima okwo, Ngwashingtonyeka, apwile ove . . . Ngwapwile kusali ya tulungalwiji, mokomoko muze mumatungu mwaka unahichi, kaha vakiko vapwilenga na kuliwana, kaha vamwe vandumbwetu vapile nakulikoka hali chize kuliwana chachinene muze vakiko vapwilenga na vakakusekasana, kujinguluka mulifuchi. Kaha vakiko vapwilenga nakuhanjika hali echi, “Ngwapwile na chihela chachindende haze hambango. Mulimo wami kawapwile wamwazako. Kaha Ngwapwile na lwola lwalunene. Kaha chuma chatete munatachikiza, Ngwa—Ngwejile na kutambula

Kulishitu, kaha—kaha, mamalelo, Ngukwechi vyuma vyosena jino.” Jino, echi chamwaza. Etu twasakwilila chize. Echi chamwaza, oloze kufukila kachalumbunukile lwola lwosena nge Kulishitu. Chize, talenu, kaha etu twatela kutala chize. Jino, chize chamwaza. Talenu? Ngwa . . . Nachuma chauchi hali chize.

<sup>22</sup> Oloze Nguli nge namuyachi hanyima ya vandumbwami uze ufuku. Etu twayile ku likina lya ku—ku lizavu lya etu twapwile nakutwama, kaha Ndumbu walunga Shakarian na etu vosena. Kaha Ngwambile ngwami, “Chamwaza,” Ngwambile ngwami, “vandumbwami, Yami nanguya nakumilweka.” Ngwambile ngwami, “Ngwa—Ngwashinganyeka enu vandumbu vamaalunga vamwaza kanda lyehe Ngupwenga navo, muchiyoyelo chami. Oloze,” Ngwambile ngwami, “chuma chivene chili,” Ngwambile ngwami . . .

<sup>23</sup> Kangwapandama kukala lizavuko, oloze Ngwapandama kuli chize kulikata na chize. Ngunalongejeka makati akulikata avakiko, kati kaha Ngwalongejeka, mwomwo yemanyinako vikungulwilo vyosena, mwamono. Kaha omu mukiko Ngwazanga. Omu mukiko Nguli nakufwila.

<sup>24</sup> “Oloze,” Ngwambile ngwami, “chuma cheji kunguzakamina, nge enu vandumbwami shimbu kanda vaze malunga kuze, echi chinapu kapapa sauzande kuhambakana enu kupwa, kaha jino kweseka kuvalweka vakiko nge Kulishitu ali kufukila. Kanda kweseka kuvalanjisako.” Talenu?

<sup>25</sup> Kanda kweseka kupezelesa na kaye. Echa kaye kwiza nakuhita hamavu etu. Kanda kufuma hamavu avoko. Talenu? Talenu? Ove nge mufumaho hamavu avo, etu natuya nakumunyika hamwe navakiko. Hanyima ya vosena, ou Mujimbu wamwaza kawamunyikako; weji kuvyakuma. Hollywood kumunyika. Ou Mujimbu wamwaza kuvwakuma. Kuli chihandwa chachivulu mukachi ka kuvwakuma na kumunyika.

<sup>26</sup> Kaha shikaho, jino, kaha Ngwambile ngwami, “Vaze vandumbwami va Chipendekosita vaze vapwile nachuma chimwe, kweseka kufuma muli chize, na kulisa vakakuhutwa, na vyangocho nge ngachize, kaha kuya chakuzeneka chuma, talenu, kunangula Mujimbu wamwaza, kuzachila hamwe.” Ngwambile ngwami, “Jino etu tuli nakweseka kukoka omu tuli nacho.” Ngwambile ngwami, “Chihandwa muka chili!”

<sup>27</sup> Kaha umwe ndumbu walunga wamwaza, hanyima ya tando yayindende ikiye akatukile, ambile kuli yami, ikiye ambile ngwenyi, “Ndumbu walunga Branham, chize chapwile kuseuka chimwe chachinene chize vathu valingile.”

<sup>28</sup> Kaha Ngwambile ngwami, “Jino, tala, ndumbu walunga, Kangwapwile na kweseka kuli vathu kukala chuma vakiko vakwechi. Oloze Nguli kaha nakweseka kutunga ava vakakusekasana.”

Ikiye ngwenyi, “Chize chapwile kuseuka chachinene, vathu.”

<sup>29</sup> Ngwambile ngwami, “Vakiko valingile chize na Shipilitu Wajila. Ou Shipilitu Wajila avalwekele vakiko kulinga chize.” Ou Shipilitu Wajila eji kulweka kala muthu kulinga kalachuma, ove mulinga chuma muka Ikiye mwakulweka ove kulinga.

<sup>30</sup> Kaha ikiye ngwenyi, “Chamwaza, chize chapwile kuseuka chivene cha liuka.”

<sup>31</sup> Ngwambile ngwami, “Mwomwoika, ndumbu walunga?” Kaha hazevene kumeso a muthu uze Ngwapwile nakuhanjika nenyi.

<sup>32</sup> Ikiye ngwenyi, “Mwomwo, haze vene kulipika chachindende chejile muliuka kuze, kuze kwapwile chihandwa mukachi ka Greek na va—na Hepeleu, na vyangocho,” ngwenyi, “vaze vathu kavapwile na chihela chakuya ko. Vakiko kavapwile numba na limbo lyakukindulukako.”

Ngwambile ngwami, “Mukiko vene mwaya muchima wa Kalunga.”

Ikiye ngwenyi, “Nachipwa ngachilihi mwaya muchima wa Kalunga?”

<sup>33</sup> Ngwambile ngwami, “Vakiko vayile kwosena, kumwanga Mujimbu wamwaza, mwomwo vakiko kavapwile na chihela cha kuyako.”

<sup>34</sup> Ou Shipilitu Wajila keshi kuhasa kuseukako. Echi kacheshi kuhasako. Mukiko kaha. Kaha nge omu Ngwapwanga nakuhanjika ufuku unahichi, enu mwatela kukwata Kalunga, kaha kwata Lizu Lyenyi, kaha kwachilila kuli Chize. Chipwethuhu kulihi Chili kulihi nakutetekela, twalilaho kukavangiza Echi. Twalilaho kuya lika ngachize.

<sup>35</sup> Oloze Ngunapu vene na—na mukakukafwa wava kulikata chava Business Men. Kaha kala kuliwana chize Vanangusanyika, Ngweji kuyanga na kuhanjika, kuhanjika vyuma vyosena vize Ngunahase. Keshi kaha kweseka kupwa na chumachimwe cha kuhanjika, chize nachiya nakuvwisa muthumwe kuwaha, *Munganji mukananga*. Oloze lwola lwosena omwo Nanguya kukuliwana chami, Nangweseka kutanga na kulomba washiwashi, kaha kuhanjika, “Mwata Yesu, chumamuka—chumamuka Nanguhanjika nge nachiya nakukafwa vathu.”

<sup>36</sup> Muthu wosena natachikiza Kangweshi mukakunangula ko. Kangweshi mukakuananjikako. Ngu—Ngwapwa... Kalamuthu natachikiza chize. Kangweshi mukakunangula ko. Yami—wami mujimbu wami uli wakulombela vakakuviza, na vyangocho nge ngachize. Oloze, Kangweshi mukakunangula ko. Kala muthu natachikiza chize, ngwivwulilenu kunangula. Oloze chuma Nguli nakulinga na kuhanjika, Ngwatondo kuhaka fwanyinji muli chize nachiya nakulinga chumachimwe.

<sup>37</sup> Keshi kuhanjika, “Keshi ikiye kupwa—kupwa mukakuanjika wangolo? Keshi kuzachisa hanjikiso yambwendeko? Ikiye keshi wamwazako mukamenga?” Kangwazangile chizeko. Kangweshi—Kangweshi kuchilingako. Kalunga kangusanyikile kuli chizeko.

<sup>38</sup> Oloze Nguli nakweseka kuwana chumachimwe chize nachiya nakukafwa uze muthu, kaha lize liuka kupwa lya mwaza, kukafwa echi kupwa vathu vamwaza, kulomba hali chize.

<sup>39</sup> Jino, Ngwapwile kaha nakuhanjika nge echi mwomwo Ngwamwene vathu vavandende hanga valikungulwile, kaha nakunoka vula. Ou ukiko mulonga Ngwapwanga nakuhanjika vyuma kana. Jino, chimbwa hanyima.

<sup>40</sup> Kaha jino Ngwatondo kusakwilila ndumbu walunga. Ngunatachiza Ndumbu walunga Wakuzala na lwola lwalusuku, lwola lwosena amuzangile, kwishi ya muchima wami. Kaha etu tukwechi vyuma vyavivulu vyakulifwana, Ndumbu walunga Fuller. Kaha shikaho etu...Ngwamwene Ndumbu walunga Fuller jino ha myaka yayivulu, kaha Ngunamutachikiza ikiye kupwa muthu wamwenemwene wa Kalunga, kaha Ngwamuzanga ikiye. Kaha Nguli hano chimene chino mukulikata. Shikaho ngukonekelenu Ngwahonanga ufuku wenyi omu vakiko vachivilikanga muchihela hano, oloze chapwile chumachimwe Kangwahashile kulikafwako. Kaha Ngunawahilila kupwa hano chimene chino, talenu liuka lyenyi, kanawa, omu Kalunga avahonesele na kuvakisula. Kaha—kaha vyuma vyosena vize Ikiye alingile hali ikiye, Ngwasakwilila chize. Echa Kalunga atwalileho kumukisula ikiye, kaha kisula ino mbalaka, kaha—kaha eli—eli lizavu lya vakakufwelela muliuka, vakakuzata muliuka, kaha mamembala va liuka. Kaha echa ove ufule na kufukila muno mu likoiji lya Mwata, chikiko kulomba chami.

<sup>41</sup> Jino, shimbu kanda etu tupandame ku Lizu, echa tupandame kuli Mweya, chatete. Echa etu tunongame mitwe yetu chindende kaha tulombe.

<sup>42</sup> Shimbu etu tunatwame jino Kumeso a Kalunga, na mitwe yetu na michima yetu yakunongama, kuliko kutondeka mumuchima wove, nge chumachimwe chize enu mulinakutonda, nge enu munatondo Mwata kumihana, nge Ngunahase kwanuka enu mu kulomba chami chimene chino hano ha liuka? Unahase kaha kwecha echi kuchitachikiza ha kuzunduka livoko lyove? Twalilaho kuchilama muvishinganyeka vyove, chumamuka echi. Ou Mwata ahane kuli umwe wosena kutondeka chenu.

<sup>43</sup> Likoiji na Tata wa Kalunga, Uze atengele vyuma vyosena kuhichila muli Kulishitu Yesu, ku upahu Wenyi, etu tuneza Kumeso Ove chimene chino na kusakwilila ha muchima wetu. Kaha nge etu natwendesa nakuhita muvula, kaha peho



kuhuhwa, vula kuholoka, etu twalombo, Tata wa Mwilu, nge Ove muya nakuhingununa etu vula ya Mwilu, vula ya mushipilitu, vula yamakumishilo na vula yayinene, hamwe, mumichima yetu lelo.

<sup>44</sup> Etu twalombo, Tata, nge Ove muya nakukisula eli liuka. Etu tuli vakusakwilila hali echi, hali kafunga kavu, ha chikungulwilo chenye, mwomwo ya...ya chihela kuze vathu vanahase kuliwana na fulumba ha mutwe wavo na kupwa muchitwamo chamwaza chakutwamamo.

<sup>45</sup> Etu kuya nakukinduluka muvishinganyeka vyetu mumujimbu wa Liuka lyamaputukilo, apostolic, Liuka lya katolika, kaha talenu omu vakiko vatwamine kumalolwa a malolwa mokomoko kalachuma chize vakiko vahashile, kwivwa eli Lizu lya Kalunga, kaha jino fukama hamavu, kaha kututa na lilolwa na majilo, kaha kwata mavoko avo kutwala Mwilu na kuwahilila Kumeso a Shipilitu Wajila. Kuvahana vakiko kufwila muchiyoyelo chavo palanga vakiko navaya nakutambuka muwina wa vandumba, kanda katambukako, oloze seha kumeso avao, kutala kulutwe kutwala Mwilu, kutachikiza, muminyutu yayindende, vakiko navakapwa Kumeso a Ikiye Uze vakiko vamuzangile.

<sup>46</sup> Mamalelo, lufwelelo lwa kakuluka jetu, kuyoya hanga, mumutanda waushitale, na poko yauvela kuvali. Kutungulula muli etu, Ove Mwata, lufwelelo kana. Tuhane etu kukisula cha chipositolo cha Shipilitu Wajila.

<sup>47</sup> Wosena lelo uze apwile na mavoko avo helu, Munatachikiza chuma vakiko vanatondo, Mwata. Munatachikiza chuma muka chapwile kunyima ya livoko, punga na kujina mumuchima wenye. Ove watela kuhana kutonda chosena, Mwata. Kaha Ngwalombo hali vakiko, keshi kutachikiza kutondeka, oloze kuhana kulomba chami nge kwimanyinako hali vakiko. Nge ngamba Yove, Ngwalombo wakushishika hali wosena, nge, kalachuma vakiko vanalombo, echa vakiko vatambule. Vakisule, Tata.

<sup>48</sup> Kaha jino shimbu etu natutanga eli Lizu Lyove, na kunangula shikola ya Chalumingo, nge omu chapwile, chimene chino, Ngwalombo nge Ove uyenga nakumbata awa Mazu na chiyawu na kuzeneka kufwelela chosena hali Vakiko, Mwata; chize, kala ngolo ja Satana kweseka kwingila, nge nachiya nakulama Echi kufuma mukuvwakauma, echa Echi chingile mukachi ka muchima, kaha nakwiza nakupwa mihako ya kwoloka, Mwata. Lufwelelo, kuneha vyangocho vize Enu kupwa vakutongola Lizu Lyove kulinga, kuhanjika, "Echi nachikaya nakukinduluka kuli Yami chaupolongwa, oloze Nachiya nakukumisa chize Echi chapwile punga yacho."

<sup>49</sup> Jino, Mwata, jilika ngamba Yove. Lizu Lyove linapu lyakujilika. Kaha, hamwe, echa etu tupwenga vakulya mautanga

awa Shipilitu Wajila natuhane etu uze—uze chilombola. Etu twalombo mu Lijina Iya Yesu. Amena.

<sup>50</sup> Jino, kuli enu mwazanga kutanga lwolalumwe, hamwe na—na Mujimbu, Nanguya . . . Nangumihula enu, kachi enu namuya nakukindulkuka mu Mukanda. Kaha Ngukwechi Mujimbu waundende wa Chalumingo, nge, kuli vathu chimene chino.

<sup>51</sup> Munahase kungwivwa kanawa, kwosena, kuchihela kwosena? Ngwafumisanga chihungo. Nguli chindende wakujojoma lizu. Nguli, washiwashi nge Ngukwechi echi hamavu hano, Ngwatambwile lipwema. Ou liyavolo kweseka mwosena kungulama kufuma hano. Ngunahono kutachikiza. Ngwafwelela nge Kalunga mwaya vene nakuhingununa chumachimwe chachinene hali echi kuliwana lwola luno, mwomwo Satana nalingi vyuma vyosena ikiye nahase kunguhonesa.

<sup>52</sup> Oloze jino etu natuya nakutanga kufuma mu Kuputuka, kapetulu 22. Kaha enu namuya nakwalumuna mu Mbimbiliya yove, echa tutange chihanda cha Echi, hamwe. Kuputuka 22, echa tuputuke ha vasi 9.

*Kaha vahetele kuze amulwezele Kalunga; kaha Apalahama atungile lijiko lyakulumbila kuze, alileho jikunyi, hikukasa mwanenye Isaka nakumusavalika ha lijiko lyakulumbila ha jikunyi.*

*Kaha Apalahama olwele livoko lyenye, akwachile poko ngwenye ajihe mwanenye.*

*Kaha kangelo ka YEHOVA amutambakanyine muze apwile mwilu, kaha amwambile ngwenye, Apalahama, ove Apalahama: kaha ikiye etavile ngwenye, Yami uno mwane.*

*Kaha amwambile ngwenye, Kanda unangika livoko lyove hali mukwezeko, chipwe kumulinga chuma chimwe pimbi: mwomwo jino Ngunatachikiza ngwami unevu woma wa Kalunga, mwomwo kawanguminyine mwana ove ikiye mwanove umwe kaha lyamunwe.*

*Kaha Apalahama andwile meso enye nakutala, kaha amwene chizamba cha mukoko munyima yenye na liswiki jimbinga jenyi mulifufwa, mokomoko ha jimbinga jenyi, vene: kaha Apalahama ayile na kumukwata mukoko, kaha nakumulumba ha . . . hiwana wakulumba kupwa wakushisa muli mwanenye.*

*Kaha Apalahama avulukile kuze ngwenye Yehova yile: nge omu veji kuhanjikanga nakulikumbi lyalelo ngwavo, kupili ya YEHOVA kukiko navakachiwanyina.*

*Kaha kangelo ka YEHOVA amutambakanyine Apalahama kamuchivali muze apwile mwilu,*

*Kaha ngwenyi, YEHOVA nambe ngwenyi, Ngunalishingi Amilyavene ngwami, . . . mwomwo unalingi chuma chino, kaha na kuzeneka kungumina mwanove, mwanove umwe kaha lyamunwe:*

*Shikaho Nangukukisula nakukukisula, kaha Nangukavulisa vajitanga yove nakuvavulisa nge vatanganyika . . . va mwilu, kaha nge musekulula . . . wakungenge ya kalungalwiji; kaha mukatanga yove mwakaheta chikolo chavakakole jenyi;*

<sup>53</sup> Ngwatondo kumbata eyi hanjikiso hano ha kutanga: *Kaha Mukatanga Yove Mwakaheta Chikolo Cha Vakakole Jenyi.* Elu lunapu—lushiko lwamwaza.

<sup>54</sup> Jino, etu tuli venyembo na mujimbu kana, pamo kutangaho cheka, na cheka, lwola ha lwola, hali Apalahama, kaha nomu Kalunga amusanyikile ikiye kulovoka mulifuchi lyenyi, kaha ikiye apwilenga muthu kaha, chuma chakulimanyina. Oloze Kalunga amusanyikile ikiye na kumulingisa ikiye kupwa lushiko.

<sup>55</sup> Jino, Ngwatondo enu kotalisa luze lushiko luze Kalunga alishikile na Apalahama kalwapwile kaha na Apalahama ko, oloze lwapwilenga mna mukatanga yenyi vejile munyima yenyi. Jino, vathu vavavulu ngwavo, “Mamalelo, kachi Ngwapwile nge Apalahama, kachi Nanguhasa kupwa kuze kachi Kalunga ahanjikile kuli yami kaha—kaha kunguhana kukunyuka nge muze Ikiye alingile na Apalahama, kahajino Nanguya nakupwa, Nguli—Nanguya nakupwa na lufwelelo, Ndumbu walunga Branham, kachi Ngwapwanga kaha, kachi Kalunga ahanjikile kuli yami nge muze Ikiye alingile na Apalahama.” Oloze ove uli na lushiko lwolumwe luze Apalahama apwilenga nalwo, luze lukiko, kachi ove unapu Mukatanga ya Apalahama.

<sup>56</sup> Kahajino ove ngwove, “Oloze, Ndumbu walunga Branham, Yami ngumuka Kamafuchi eka na eka. Kangweshi kuhasa kupwa mukatanga ya Apalahama ko.”

<sup>57</sup> Ize Mukatanga ya Apalahama kayapwilenga mbuto yakuchisemwako. Yapwilenga Mbuto ya kushipilitu, ya kwalama chize kachapwile chumako. Luze lushiko, Ikiye amuhanyine ikiye shimbu kanda kwalama. Oloze vamuhanyine kuli ikiye shimbu kanda kwalama, kaha kachapwile mwomwo ikiye apwilenga wakulama na mu chivwasano na Kalunga mujila kana. Chili mwomwo Apalahama afwelelele Kalunga.

<sup>58</sup> Kaha Chisoneka ngwacho, chize, “Omwo etu twafwa muli Kulishitu, etu tuneza nakupwa Mukatanga ya Apalahama.” Paulu kuhanjika hali echi, “Kaha chize chinapu ka Yuleya keshi ka Yuleya kuwelukako, oloze Yuleya mukachi.” Shikangaho, kachi ove unasemuka ku Shipilitu ya Kalunga, “ove unapu Mukatanga ya Apalahama, kaha vaswana na Apalahama kutesekesa na lushiko.” Talenu? Shikangaho kala lushiko

luze Kalunga ahanyine Apalahama kupwa jove, mwomwo mushipilitu ove unapu Mukatanga ya Apalahama.

<sup>59</sup> Kaha enu muli vavavulu va Yuleya kuhambakana enu kachi enu mwasemukila mu manyinga a Yuleya, kaha jino—kaha jino kupwa ka Yuleya muli lize liuka, kaha muwina wamwaza wa ou Shipilitu Wajila kaha Mwata Yesu Kulishitu. Talenu? Enu muli vavavulu va Yuleya, mwomwo enu munapu ka Yuleya uze wakusemuka ku lushiko kufuma Mwilu, uze Kalunga ahanyine Apalahama, kaha Apalahama achitavilile ha lufwelelo, kaha chize chikiko chamulingishile ikiye kupwa omwo ikiye apwilenga. Hanyima ya vyosena, ka Yuleya kupwa kaha wakuhandununa, kaha kuzauka, ka Hepeleu, na vyangocho nge ngachize.

<sup>60</sup> Jino, oloze omu ove muhandunuka ove lyavene kufuma ku vyuma vya kaye, kuzauka kuhita mufunda wakuhandunuka, kaha kutambuka mulifuchi lya ungeji, lifuchi nge ove kawapwilemoko, mukuputuka, na vathu vaze enu kamweshi kulinunga na kumaputukilo, kahajino enu namwiza nakupwa ka Yuleya wa mushipilitu. Mwomwo, mujila yoyimwe ize Apalahama, ha lufwelelo, asele lifuchi, vasele vathu jenyi, kuya mulifuchi lya ungeji na vathu vakungeji, ove unaseze vathu jove, kuseza kano kaye kunyima, kuseza vakulihata navo, kuzauka, kuhichila mu Manyinga a Yesu Kulishitu, kaha ali ndala muhitanganyi, kutonda Mbongi, yikwechi Mukakuyitunga na Nakuyitenga napu Kalunga, nge Apalahama omu apwilenga. Vakakuzuzumana, hamwe na Ikiye, kutwama mujimbalaka, mauka, venyembo va Wangana wa Mwilu, swana wa vyuma vyosena kuhichila muli Yesu Kulishitu. Talenu? Etu tunazauka, vakuhandunuka.

<sup>61</sup> Jino, Apalahama, lushiko valishikile kuli Apalahama na Mukatanga yenyi hanyima ya ikiye. Jino, Kalunga ahanyine elu lushiko kuli Apalahama, Mukatanga yenyi, nachiya nakuheta chikolo cha mukakole hanyima ya Ikiye esekele Apalahama, kweseka Apalahama. Jino, hanyima ya kweseka kwiza, kahajino. . .

<sup>62</sup> Apalahama apwile tele wakwalumuka, etu kuchivuluka, kufuma mumakombelo kwiza muli Kalunga. Kaha jino Kalunga amuhanyine, kupwa chinjikizo cha Shipilitu Wajila, kwalama. Kahajino, hanyima ya kwalama, kahajino kwejile lwola lwakweseka.

<sup>63</sup> Chifwanyisa chamwaza hano cha Liuka, chize, hanyima etu vanatulwili, jino etu vateleka kutuhana katachikjilo ka lushiko lwa kwalama, elu lunapu keshi lwakumujimbako, oloze lwa ku Shipilitu. Kaha Shipilitu Wajila napu kwalama. Napu poko ya Kalunga. Echi cheji kuhandununa na kuvatula chihela cha mujimba, cha kaye, kufuma kuli etu. Eli Lizu lya Kalunga, lyakuvambuka kuhambakana poko yauvela kuvali!

Shikaho, mwamono, kwiza cheka cheka, eli Lizu lya Kalunga linapu chuma chize Shipilitu Wajila eji kuzachisa; keshi jishimbi jauthuko, keshi vikungulwiloko. Oloze eli Lizu likiko nalihandununa etu kufuma kuvyuma vya kaye. Echi kuvatula nakufumisa vishinganyeka na vyuma, kaha kutujilika vene kuli Kalunga ketu.

64 Yesu ambile ngwenyi, “Kachi enu namupwa muli Yami, kaha Lizu Lyami muli enu.” Yenu haze. Kahajino, eli kalyeshi lizu lyoveko. Lili Lizu Lyenyi. Kahajino, enu mwamono, “Kachi enu namupwa muli Yami, kaha Lizu Lyami muli enu, enu munahase kuhula omu namuya.” Huu-hu. Talenu? Chuma muka echi, ove kaweshi nakuhanjika lizu lyove ko. Ove uli nakuhanjika Lizu Lyenyi.

65 Shikaho jino ou Shipilitu Wajila ikiye Umwe uze eji kumbatanga Lizu lya Kalunga na kutuhandununa etu kufuma kuvyuma vya mukaye, talenu, kwalama, kuvatula. Kahajino enu namuya nakuhita mulwola lwakweseka.

66 Jino, Apalahama, hanyima ikiye apwilenga wakusanyika kufuma, mulize lifuchi lyava Kalateya, mbongi ya Ur, ikiye ejile nakupwa mukakuzuzumana, kupwa ndala muhitanganyi. Kaha jino Kalunga amusanyikile ikiye, hanyima ikiye apwile wakwinjikiza nge ikiye mwaya na kuya na kumbata Kalunga ha Lizu Lyenyi. Kahajino, chuma Kalunga alingile jino, vamuhanyine ikiye chinjikizo, nge Ikiye amutavilile ikiye, kaha Ikiye amuhonesele. Kaha ikiye alamishile Ishimele na vakuzuvo yenyi vosena.

67 Kaha jino enu mwamono, nge—nge ove vanakusanyika, chatete enu namuya nakuhita mu cheseko, kumona kachi ove muya vene nakutwalilaho. Kaha jino Kalunga kukuhana Shipilitu Wajila, echi chikiko chinjikizo chize Ikiye na kwitavila lufwelelo lwove luzu enu mweji kuhanjikanga kupwa muli Ikiye. Ove ngukavangize yami jino? Ikiye mwaya nakwitavila echi.

68 Jino, Ngwapwile nakuhanjika na . . . Kuze kunahase kupwa vamwe vamwaza vandumbwetu va Mbaputishiti kutwama haze. Kaha wosena natachikiza nge Ngwafumine muliuka lya Mbaputishiti. Ngwapwile nakuhanjika kuli ndumbwami walunga wamu Mbaputishiti. Kaha ikiye ahanjikile kuli yami, “Ndumbu walunga Branham?” Ikiye apwilenga Ndotolo Mukutahisa, lunga wamwaza, Mukakulishitu wamwenemwene. Ikiye ambile ngwenyi, “Oloze, Ndumbu walunga Branham, kulihni enu namumbata lujimiko lwa Shipilitu Wajila kupwa kalachuma chakulimbalaka kuhambakana lufwelelo muli Kulishitu Yesu?”

Ngwambile ngwami, “Echi chinapu chakuhandunuka, ndumbwami walunga wamwaza.”

69 Ikiye ambile ngwenyi, “Kamweshi nakushinganyeka nge omwo ove nautambula Kulishitu, ove unatambula Shipilitu Wajila?”

70 Ngwambile ngwami, “Chakwoloka. Oloze,” Ngwambile ngwami, “mwamono, ove unapu kaha nakuhanjika nge ove unatambula Kulishitu, palanga Ikiye namono echi.”

71 Ikiye ambile ngwenyi, “Ndumbu walunga Branham, Apalahama afwelelele Kalunga, kaha vamuvulukilile cho kupwa wakwoloka.”

72 Ngwambile ngwami, “Eyo. Oloze Kalunga amuhanyine chinjikizo, nge Ikiye atambwile lufwelelo, omwo Ikiye amuhanyine katachikijilo ka kwalama, nge Ikiye etavilile lufwelelo lwenyi.” Amena.

73 Jino, omwo etu natutambula Kulishitu kupwa Mulwilo wetu, kahajino, kachi etu tuli vakushishika muli chize, kahajino Kalunga natuhane etu chinjikizo, nge Ikiye natambula lufwelelo lwetu muli Kulishitu, ha kutuhana etu katachikijilo ka kwalama, ou napu Shipilitu Wajila. Chize chinapu katachikijilo ka kwalama. “Kanda kuyengetesa Shipilitu Wajila wa Kalunga uze enu vamijika lyehi ku Likumbi lya Kusokoka.” Keshi kuliwana chashishileho; oloze ku Likumbi lya Kusokoka. Echi chakwoloka, Efwesu 4:30. Jino, omu mukiko etu kutambula Shipilitu Wajila.

74 Jino, kachi ove muhanjika ngwavo, “Mamalelo, Yami ngu mukakufwelela,” kaha Kalunga kanda lyehi akuhane ove Shipilitu Wajila, Ikiye kanda lyehi achitachikize. Ove uli kaha nakwitavila nge ove wafwelela. Oloze omwo kukakasana chosena..Kangweshi nakuhanjika nge ove kaweshi mukakufwelela jino. Mu chihanda chimwe, ove unapu mukakufwelela.

75 Oloze omwo Kalunga nawana uselewa, ove nauwana uselewa na Ikiye, vene, kaha Ikiye akutachikiza ove kupwa mwana Neyi, kaha Ikiye atachikiza muchima wove, kaha Ikiye kumona kushishika chove, Ikiye atachikiza vyuma vyosena vanavifumisa muli ove. Kahajino Ikiye akujika ove mu Wangana wa Kalunga, hali Shipilitu Wajila, kwinjikiza kukaye nge Ikiye natambula luze lufwelelo nge ove muhanjika muli Ikiye. Lutambule jino?

76 Jino, hazevene hanyima yachize, kwiza chize cheseko. “Kala mwana walunga mweza kuli Kalunga atela kupwa wakuzangamisa, kweseka.”

77 Yesu, haze vene Ikiye atambwile kuzalilila cha Shipilitu, kuze kukalwiji, omwo Yowano amujimikile Ikiye, hazevene liyavolo amutwalile Ikiye muze mupambo, kuya nakuhita mulwola lwa vyeseke. Oloze omwo Ikiye ambachile Lizu lya Kalunga na kufungulula liyavolo, “Echi vachisoneka. Echi vachisoneka,” Ikiye ejile cheka wakulizanga kumulimo Wenyi.

78 Kaha omu mukiko mujila Kalunga alingile na Apalahama. Jino, Kalunga, hanyima ya kumusanyika ikiye kulovoka mulifuchi lyenyi, kaha ikiye alihandunuine kufuma mulifuchi lyenyi, vathu jenyi, kaha jino Kalunga amuhanyine katachikijilo ka kwalama, kahajino kumuhana ikiye mwana. Jino ikiye ayile nakushikumuka nacheseko chamakumishilo, hazevene mulwola ikiye ateletele kuhana mwanenyi Isaka kupwa mulambu. Kaha Ikiye ambile ngwenyi, “Kumona nge ove kawatetelele mwanove walunga, Ngunatachikiza nge ove wamuzanga Yami.” Ikiye amuhanyine chize cheseko.

79 Jino hazevene hanyima ya chize, ize jita ayiwinyine, Ikiye ambale ngwenyi, “Kaha Mukatanga yove mwakaheta chikolo cha vakakole jenyi.” Amena. Ngwazanga chize. “Mwakaya nakuheta chikolo cha vakakole jenyi.” Etu natuya nakuheta haseteko yakushisaho mu tando yayindende, nge Mwata netava. Jino Ikiye awanyine echi, Apalahama wakushishika. Hanyima Ikiye awanyine Apalahama wakushishika, kahajino Ikiye amuhanyine lushiko lwa kuheta chikolo cha mukakole.

80 Jino kuze, lwola lwaluvulu, kuze kuli etu vavavulu va Pendekosita vanaluwisa, na kushinganyeka, “Chamwaza, ou Shipilitu Wajila ahingunwine hali yami. Uphu kuli Kalunga! Mukiko kaha Ngwatela kupwa nenyi.” Nduma, mwane. Ove uli kaha jino nakuputuka. Ove, echi kacheshi ngochoko. Echi chinapu cheseko chove na cheseko chove.

81 Chochimwe nge etu natuwana mu—mu, kuhita mu—mu—mu Tesitamende Yamwaka; kweseka, kaha jino kuswanyisa mwana walunga. Kutwitavila kupwa vana, kuswanyisa mwana walunga hanyima ikiye ali lyehi na mwana walunga, kupwa wakusemuka mu chisaka. Ikiye napu mwana walunga, jino ikiye vamwesekele kaha kumweseka, kaha kumukulisa kuhichila muli vilombola, kaha kumutala omu mweze nakupwa. Kaha jino ikiye kumuhaka muchihela chakutela na, kutesekesa, na ise.

82 Jino omu mukiko chili na lelo. Etu twapwile na myaka fwote ya kweseka cha Pendekosita, mokomoko kuhambakana, talenu, kweseka liuka, kumona nge vakiko vali nakuya nakwimana, mokomoko chiku. Kumona chuma muka ove. . . Kaha, talenu, kuze kukiko Nangutambula cheka. Kachi kukwata kuchilusu na ku Lizu, na kutambuka nakuya, etu tuneza nakupwa kanawa hanyima ya kaye, kushikumuka muli eyi *mujila*, mokomoko kushikumuka muli *eyi* jila, mokomoko kupwa kufwana nge *echi*.

83 Nge omu Ngweji kuhanjikanga lwola lwosena chikuma hali vathu vali vavahya lelo, mapwevo kuteula jikambu, kaha—kaha malunga kutwalilaho na vyuma vyosena, kaha kuvwala uvwalo waunyengwe na vyuma vimwe. Ngweji kupwanga na kutoleka hali chize. Oloze chuma muka echi? Echi chili nakweseka kulwila lize liuka. Echi chili nakweseka kupwa *hano*, ku Lizu

lya Kalunga, chipwethuhu kaye kosena nakahanjika hali Echi. Twama na Lizu lya Kalunga. Amena. Talenu? Talenu?

<sup>84</sup> Chuma chivene chili, nge omu Ngwapwanga nakuhanjika ufuku unahichi, va Pendekosita vali nakuvandamina kuhuhwa chapeho yayinene, oloze vakiko vahonene kwivwa lize Lizu lyalindende. Talenu? Chize, chakuhenga kulinga vyuma kana. Vakiko vashinganyekele, “Kachi nge peho nayimana, chosena chakwoloka.”

<sup>85</sup> Oloze chize kachahashile kulukwisa muchima wa kapolofwetoko. Chize kuhuhwa chapeho kachanyikishile uze kapolofweto Eliya muze mufwekeko. Ize mikalateta yaundume na miveso, kaha kuhingunuka hamavu, kayamulukwishile ikiyeko, vosena. Oloze chuma kaha chamwivwishile woma chapwile lizu lyalindende, nge chuma chimwe chili nakuhanjika mukachi. “Lizu Lyami linapu Muchano. Echa kala lizu lya muthu kupwa lya makuli, kaha Lyami kupwa muchano.” Echi chikiko chalingisa kapolofweto kulukuka muchima. Talenu?

<sup>86</sup> Kaha echi nachiya nakulingika lika. Eli Lizu lya Kalunga lwola lwosena lyeji kukoka vishinganyeka vya mushipilitu, mwomwo echi chinapu vishinganyeka vya Kulishitu muli enu, vaze vanatachikiza eli Lizu kupwa muchano.

<sup>87</sup> Kaha enu namuya nakuhita mulwola lwakweseka. Eli liuka kuya nakuhita mulwola lwakweseka. Kala muthu kuya nakuhita mulwola lwakweseka shimbu kanda ahete chikolo cha mukakole. Apalahama ayile nakuhita muli chize. Kulishitu ayile nakuhita muli chize. Hanyima ya Kulishitu apwile wakuzala na Shipilitu Wajila, kuze kukalwiji ka Yotane, Ikiye ayile nakuhita mulwola lwakweseka. Hanyima ya kumusanyika Apalahama, kumuhaka mulifuchi muze ikiye apwilenga nakupwa mukakuzuzumana, kahajino kuhana kwalama, kaha Kalunga aliwanyine nenyi, lwola ha lwola, oloze ikiye atela kuya nakuhita mulwola lwa kweseka. Kala mukatanga ya Apalahama yeji kulinga chuma chochimwe, Apalahama na Mkatanga yenyi.

<sup>88</sup> Lizavu, liuka, ou ukiko mulonga etu tunawane vikungulwilo vyetu kuholoka kusali ya jila, chili mwomwo omwo chejile na kweseka. Cheseke chika? Lizu lya Kalunga. Kuli cheseke. Lizu lya Kalunga lili cheseke. Natuya nakulinga lizavu lya malunga kuhanjika, mokomoko etu natulinga chuma muka Kalunga mwahanjika linga? Chize chinapu chakuhandunuka.

<sup>89</sup> Kwejile, makumbi a Dwight Moody, makumbi a Finney, Sankey, Knox, Calvin, Spurgeon, vosena muli vakiko, vaze malunga va mushipilitu, vize vikungulwilo kumukavangiza vakiko. Vakiko kupwa na lizavu lya malunga kunyima kuze kuvatula jijila javo nawingila, umwe wavo kufwelela *echi* na *chize*, kaha kuhaka kakandende *hano*, kaha kumbata kakandende nakufumisa *kuze*, kaha kuhaka kakandende *hano*,



palanga makumishilo vakiko vatungile chikungulwilo kufuma muli chize.

<sup>90</sup> Kaha omwo vakiko navalinga, uze mukakufwelela wamwenemwene wamuchano, Kalunga kwiza nakujinguluka na kumbata vamwe vavandende, muthu wakulikehesa, kuhokola chuma chimwe muvihanda vihanda. Chakwoloka. Lwola lwosena lweji kuchilinganga. Kalunga kalumukako. Kaha pula chuma chize muvihandavihanda, vathu vamushipilitu vaze navaya nakutwama hazevene na eli Lizu.

<sup>91</sup> Echa ngumilweke. Ngukwechi mukanda hembo, umwe hali aze mauka amwaza, mazavu amanene a Chipendekosita kutambuka. Uze pwevo wamuchima wakuhokoka kungusonekela mukanda yami. Kaha ikiye ambile ngwenyi, “Ndumbu walunga Branham, Ngwawwalile jikambu jajisuku kaha ngwapwile na viwanyino vya mutwe wami.” Ikiye ambile ngwenyi, “Kaha va...Lunga lyami azanga echi.” Kaha ikiye ngwenyi, “Etu twafumine mumbongi kuze etu twapwanga na liuka lize lyapwile vene mushipilitu, muze mu liuka lyalinene, liuka lya tete lyamu mbongi.” Kaha ambile ngwenyi, “Omwo etu tukwechi muze, vosena va Pendekosita vwapwevo vavavatwile jikambu jawo.” Kaha ambile ngwenyi, “Vakiko veji kungukavangiza hali echi. Ngwambile ngwami, ‘Nduma, nduma. Ngwafwelela eyi Mbimbiliya yahanjika hali etu keshi kulinga ngachizeko; wakuzeneka kalemesa kulinga chize.’” Kaha shikaho ikiye ambile ngwenyi, “Kaha vakiko valamine...” Vakiko navaya nakuseha hali ikiye, kuhanjika, “Hey, yove—yove tayela ili nakuya nakupopoloka kunyima, tayela yove yakulimanyina,’ kaha vyosena nge ngachize. Kaha hanyima ya lunga lyami, mujila kana, palanga ikiye kungushinjila yami kuteula jikambu.” Kaha ngwenyi, “Vangupaishile, kufuma haze.”

<sup>92</sup> Shinganyeka hali echi, liuka lya Chipendekosita lize lyatela kwimana ha Lizu lya Kalunga! Omu mukiko chikungulwilo chove nachitondeka ove. Chakwoloka. Vakiko vahonene kwivwa lize Lizu lyalindende lya Lizu, lize valivuluka kupwa muchano. Vakiko vali nakwivwulila ha jipeho jajinene, kaha vavavulu kutambakana na kukina, kuhanjika vakiko vakwechi ngolo. Echi chosena chakwoloka. Ngwafwelela muli chize, nawa. Oloze, ndumbu walunga, nge ove unahase kukina na kutambakana, kaha jino kwalumuka nakujinguluka kaha kukana Lizu lya Kalunga, na kuyoya nge kaye, kuli chuma chimwe chakuhenga kumwe. Chakwoloka.

<sup>93</sup> Eyi Shipilitu ya Kalunga kwiza nakusuluka, kaze Lizu kakandende, kaha kakutwaminyine vene ku Kavali, kuze etu tuli vakufwa, kaha chiyoyelo chetu chili chakusweka muli Kalunga kuhichila muli Kulishitu, kaha vakujika na Shipilitu Wajila. Kahajino, lize Lizu ukawalyo lya yoya kuze. “Kahajino kachi enu namupwa muli Yami, kaha Lizu Lyami muli enu, lomba

kala chuma ove unatondo kaha navakakuhanacho ove.” Kuli chihandwa.

<sup>94</sup> Ngwafwelela Kangweshi kusoloka kuli enuko nge chileya. Kachi Yami, Nguli—Nguli—Nguli wakuhona kutachikiza hali echi. Ngwa—Ngwafwelela eli Lizu lya Kalunga linapu Muchano, kaha Echi chatela kupwa hano vene. Kaha kachi Echi nachitwama hano, Nachiya nakusolola Chivene kuweluka. Echi chatela! Chiyoyelo chove, chove chosena, nachiya nakupwa chakuhandunuka.

<sup>95</sup> Shikaho omwo Kalunga ahanyine Apalahama chize cheseko, ikiye kwiza nakuhita, kupwa handulendi peseti. Kaha nahase. . .

<sup>96</sup> Kalunga keshi kuhasa kuhana chikungulwilo cheseko, mwomwo chinapu chakulifutula. Kalunga kazata mujila kanako na chikungulwilo. Ikiye kazata na mafuchi mu muyachi wa Vakamafuchi eka na eka ko. “Ikiye ambachile vathu kulovoka muli Vakamafuchi eka na eka.” Isalele, Ikiye ambachile lifuchi. Oloze, cha Vakamafuchi eka na eka, “Ikiye ambachile vathu nakuvalovola muli Vakamafuchi eka na eka mwomwo ya Lijina Lyenyi.” Shikaho, mwamono, echi kacheshi chishimo-. . . Echi kacheshi lizavuko. Echi chinapu muthu ukawenyi Ikiye eji kumbatanga Vakamafuchi eka na eka.

<sup>97</sup> Kaha omwo chize cheseko nachiza, mwamono omwo nachisoloka? Etu tuneza mangana kutuvulukila kwoloka. Etu twatambula lujimiko lwa Shipilitu Wajila mukutambuka cha pendekosita. Oloze omu nalwiza lwola lwakweseka, kupwa mukakutanga wambwende, natondo kupwa nge kaye, chochimwe nge omu chapwile mumakumbi a Wesley kutambuka na vosena. Vakiko vayile kushikola. Vakiko—vakiko kulinangula sayasi. Kaha vakiko veji kulinangulanga vyuma vyosena evi vili nakuya na kutanga. Kaha vakiko veji kwesekanga kulinangula kutanga chauthu. “Chuma chamwaza, chamwaza, kanda kuhanjika *echiko*. Echa vakiko valinge *echi* na *chize*. Mwomwo nachiya. . .” Talenu, ove uli nakulilunjikila na kutunga. Yove—yove—yove kufwila chakuhenga. Kujina chove chili chakuhenga. Ove uli wakutingiwa mu chikungulwilo kachi kutungiwa cha Kavali ko. Nauya ngachilihi nakutunga Kavali, keshi kwiza mujila ya Lizu ko?

<sup>98</sup> “Mwomwo etu vanakoso na meya a Lizu.” “Enu twamenu muli Yami na Mazu Ami muli enu, kahajino lomba kala chuma ove unatondo.”

<sup>99</sup> Kuze kukiko etu tuli nakumona kuhonesa cha Chipendekosita kutambuka, mwomwo vakiko navafuma ku Lizu. Eli Lizu naliya nakuhanjika chuma chimwe; vakiko navaya nakweseka kutunga chikungulwilo kwiza muze kumwe. Kaha vakiko navaya nakutambuka nakufumako ku Lizu, na kumbata echi mwakwoloka na lizavu. Kaha enu mwamono okwo

chinayi? Echi chili nge mauka osena. Oloze jino etu kukina na kutambakana, na kuhanjika mumalimi, na kutumbuka helu nahamavu, vakiko vosena vakwoloka. Chikungulwilo chavo chili chosena chakwoloka. Ngwafwelela Ngunalisolola amilyavene. Oloze chuma chivene, lize Lizu lyalindende Iya Lizu Iya kuhanjika ngocho. Mukiko kaha.

<sup>100</sup> Ove yako nakuhita mucheseke. Kalunga amisekele nge Ikiye alingile na Apalahama. Ikiye esekele kupwa Mukatanga ya Apalahama, hanyima ya ikiye. Kaha jino, mulonga etu katwaheta chikolo cha mukakole, mulonga muli etu chikuma mukachi ketu, chili mwomwo etu katweshi kuhasa kwimana cheseke. Kaha echa ngumilweke chumachimwe, chize cheseke cha Lizu kupwa chakwoloka.

<sup>101</sup> Ou ukiko mulonga etu katweshi na, kaha etu kanda tupwenga na... muli chino chikungulwilo. Ngwashingtonyeka Pendekosita vakwechi chikungulwilo chimwe chamwaza. Vamwe vathu vamwaza Ngwa... kupwa... kuyoyela kumeso a mavu, kupwa muli vize—vize vikungulwilo.

<sup>102</sup> Va Assemblies of God, Ngukwechi masepa muze. Yami! Ndumbu walunga haze vene mu Indiana, Nguli nakuya nakupwa, nakupwa na kuliwana, Ngwafwelela, jila, hazevene. Ndumbu walunga Roy Weed, ikiye lunga wa mbongi ya lifuchi Iya Indiana. Ngwafwelela nge ha kupwa muthu wakalunga. Ohonyi, ikiye ali lunga wa mbongi ya Assemblies of God.

<sup>103</sup> Foursquare, mamaah, yami, vali vapwa vangahi! Ralph McPherson na vavavulu vaze vandumbwetu, vaze vanapu malunga vakumukomoka kalunga, kwauchi ha viyoyelo vyavo. Vakiko vanapu malunga vambwende.

<sup>104</sup> Muze mu Oneness, chuma vakiko valivuluka vavene, Oneness. Mokokoko, jino, Ngunahono kushinganyeka... Vakiko veji kuchivuluka kupwa Lijina Iya Yesu. Jack Moore, kusanyika umwe kufuma mu... Kuli handulendi, malunga vamwaza, malunga vamwaza, malunga vaka ukalunga.

<sup>105</sup> Oloze chuma chamuyachi ngana, ndumbu walunga, chili echi, omu enu namukakachila ku chikungulwilo. Talenu? Kalunga eji kumbata vize vikungulwilo, kaha—kaha vakiko vali vosena vakuholoka. Tala hali vakiko, kaye kosena kulijingilikamo. Tala hali mapwevo javo. Tala hali malunga javo. Tala ha seteko javo. Ngunahase kwinyika hali enu vathu, va Assemblies of God mukwechi vakakuzata muliuka mulizavu Iyavo, vaze vambata kapapa kavali mokokoko katatu, vakakunangula nakutwalilaho. Mapwevo na jikambu javo kuteula, kuvwala jiputula, kulyalumuna mweka, kaha hanga kuhanjika kupwa na Shipilitu Wajila, kukundamina ha chinjikizo cha kuhanjika mumalimi, mokokoko kutumbuka helu nahamavu, mokokoko kutambakana.

<sup>106</sup> Vakiko kuholoka nge lize Lizu lyalindende lya Lizu. Lize linapu Lizu kutwalilaho kupwa lyakwoloka kukulusu. Muze mukiko yatwama. Mukiko etu katweshi na tupolofweto vamwenemwene muliuka leloko, nge va Agabus.

<sup>107</sup> Ou ukiko mulonga, eli liuka lelo, vakiko—vakiko kavahashile kuhanjika mumalimi omwo muthuumwe mwahanjika, mwomwo vakiko vevwile chikuma bogus na kutwalilaho, palanga vanahono kutachikiza chumamuka chakwoloka na chakuhenga muli echi.

<sup>108</sup> Kulumbununa chize chinapu kaha nge mitelezhiji, muthuumwe kuhanjika chumachimwe mwomwo ikiye ali nakutambuka. Echi kacheshi kulumbununako. Kulumbununa; keshi muthuumwe kwimana na kuhanjika mumalimi, mukwavo kukatuka muminyutu yayindende kaha kulumbununa omwo ikiye ahanjikile. Omwo umwe ali nakuhanjika, mukwavo ali nakulumbununa haze vene, kuhanjika lizu ha lizu, kusoloka chochimwe, vyuma vyosena vyovimwe. *Ou* lunga nahase kupwa nakupolofweta, oloze keshi kulumbununako. Vamwe vavo, *ou* muyachi wa lizu kuhana chumachimwe, *oku* kunyima kuno kuhana chumachimwe cheka. Kaha vamwe kuhanjika mazu, mukwavo kuhanjika mazu fifite kunyima ya echi, mangana vawalumbunune.

<sup>109</sup> *Kulumbununa* “kuhanjika, lizu lya lizu.” Kachi eli linapu Lizu lya Kalunga, lyatela kwiza, lizu ha lizu; mumukana wakulombelela, mukana wakulombelela. Omu mukiko mujila Lizu lyatela kwiza.

<sup>110</sup> Oloze ika etu twamono? Shikaho kuvula cha bogus! Kaha vakiko valingile ngachize, mangana, kachi vatwame na Lizu, vakiko vahakile chize kuze. Haze vene muthu alingile ngachize, vakiko amusanyikile ikiye kupwa ka Pendekosita. Kaha munatachikiza omwo chasolokele.

<sup>111</sup> Nge cheseko nachiza, lwola lwakweseka, jino Mbuto nayiputuka, kusolola muyachi wa Mbuto muka mokomoko keshiko. Jino, chipwethuhu nachisoloka ngachilihi, Apalahama atwamine na Lizu, lushiko.

<sup>112</sup> Oloze lelo chikungulwilo kacheshi kuhasa kulinga ngachizeko. Kaha enu vamwe vandumbu vamalunga vamwaza vaze vapandama kuli aze mazavu, enu namukana navakiko hamwe, munatachikiza kulihi namuya. Vangahi muli enu?

<sup>113</sup> Kangweshi nakuhanjika, muli ino zuvo jino, oloze vangahi vanapunga mukutanga chami, vangahi vanapunga na yami, kuhanjika, “Ndumbu walunga Branham, etu tunatachikiza nge ou unapu Muchano. Oloze kachi etu natutapula hano, chuma muka etu natuya nakulinga?”

<sup>114</sup> Ndumbu walunga, chuma muka etu natuya nakulinga? Imana ku Kavali, imana kulushiko, imana na kulusu, chipwethuhu.

<sup>115</sup> Kaha kuze, vakiko vapwile na malunga vamwaza. Talenu? Oloze chuma Nguli nakweseka kulinga, shina kuhanjika, chize chatela kuhona. Echi lwola lwosena chahonene kaha lwola lwosena kuhona. Oloze echi chili, chipwe enu namuhona mokomoko nduma, na Kalunga, lama Lizu lya Kalunga na lushiko Lwenyi, chatete. Enu namuya nakweseka Echi.

<sup>116</sup> Enu namufwachika mapapilo, nge enu namuya nakulinga *echi* mokomoko kulinga *chize*. Numba thuhu kufumbukila Lizu, ove muya lika nakufwachika echi. Echi chakwoloka. Mumuchima wove, munatachikiza chakuhenga. Lize likiko Lizu lyalindende kuhanjika, lize Lizu. Shikangaho etu katweshi kuhasa kutambuka nakuyako, mwomwo chuma chimwe chinasoloka. Enu mwalihandunuine enu vavene kufuma haze ha Lizu lyalinene. Enu kufuma kuze washiwashi. Kalunga apwile nakukusanyika, oloze enu kufuma nawa washiwashi, mwomwo mikalateta kukumbwoka, miveso kuvwakuma, jipili kunyikika.

<sup>117</sup> Echi kachafumine Elija, uze kapolofweto. Ikiye atondele lize Lizu, chatete. Ikiye ngwenyi, “Nanguya nakuhaka hano.”

<sup>118</sup> Shikaho vavavulu lelo, kuputuka, kutangisa cha kuka, kupezalisa cha chisemwa, miyachi yosena ya vyuma, na kwivwa cha mujimba chize kanda lyehi chisoloke mu Lizu lya Kalunga. Echi chakwoloka. Chuma muka echi? Etu twatela kwimba uze mwaso, “Vakiko veji kuvandaminanga hali Mwata. Echa ngu wakulikehesa na kusanyika ha Lijina Lyove. Echa nguvandamine, Mwata, palanga nomu Nangwivwa Lizu lyalindende.” Kaha lize Lizu nalikapwa Lizu lya Chisoneka. Echi nachiya nakuhanjika vene na Lizu. Amena. Chosena chakwoloka.

<sup>119</sup> Kuwana, Apalahama hanyima ikiye vanamuhake, amusanyikile, wakuhandunuka kuli vase azanga, kufuma kuchisaka chenyi, kufuma kwimbo lyenyi, mwomwo vatanga jenyi, kwingila mulifuchi lyaungeji. Ha lufwelelo ikiye alingile chize. Kahajino, mwomwo ikiye achilingile, Kalunga kumuhana ikiye kwalama, kwinjikiza nge ikiye apwile mwana Kalunga, nge ikiye afwelelele muli Ikiye mwomwo ikiye apwile nakufwelela lushiko. Oloze, ikiye kahashile, ikiye kahashile kumona chisemwako, oloze ikiye alivuluka, “Kalachuma chakulimbalaka na Lizu lya Kalunga lyapwile makuli.” Chipwethuhu vinjikizo vingahi naviza, hanga lika anapu makuli.

<sup>120</sup> Ngwajinda kuhanjika echi, oloze Nguli nakuya nakupwa nenyi. Tala. Kaha omwo enu namumbata mapwevo, Nanguya nakuhanjika echi ha chuma chimwe chize chatela kusoloka, nahase kumona, chize kulivuluka kupwa na Shipilitu Wajila, kaha kuhona kupwa kanawa na—na kuseza jikambu javo kukula, kuli chuma chimwe chakuhenga kumwe. Pwevo uze navwale uvwalo wakupandama kuli lunga, na kuvwala, omwo

Mbimbiliya ngwayo, “Echi chinapu chaunyengwe kuli—kuli Kalunga, pwevo kuvwala uvwalo wakupandama kuli lunga.” Kaha jino ove kulivuluka kupwa na Shipilitu Wajila na kulinga ngachize?

<sup>121</sup> Ngwahanjikile hali lize likumbi limwe mu Oregon. Kuze kwapwilenga pwevo asonekele yami mukanda waunene. Ikiye ambile ngwenyi, “Ndumbu walunga Branham, ove ukwechi mulimo wamwaza, oloze ove uli vene nakwenyeka echi.” Ikiye ambile ngwenyi, “Jino, ngachilihi. . .” Ngwenyi, “Ngweji kuvwalanga lwola lwosena.” Ambile ngwenyi, “Ngachilihi kuya nakulovoka kwingila muwande nakumbata vimwe—vimwe muwande, kaha na kuvwala. Kaweshi nakushinganyeka nachipwa kanawa kupwa nauvwalo wakuzachisa kuhambakana kupwa, mokomoko uvwalo wakuzachisa, kala mwosena chatela kupwa, kuhambakana kupwa na uze uvwalo?” Kaha ambile ngwenyi, “Tala, Ngwakandukile hajipili na vanyike vamaunga omu vakiko vayile helu nakufunga vangombe, na,” ambile ngwenyi, “Ngwengilile mumushikitela.” Ambile ngwenyi, “Jino, na—na uvwalo hamujimba, vakiko kungulya. Na uvwalo wakuzachisa vakiko kavazakamineko hali yami.”

<sup>122</sup> Ngwambile ngwami, “Chize chapwile chakuleluka chakutunga kufuma kumuvwimbimbi wa kasumbi uze wakuhona kulya nakukufwa. Keke! Echi kacheshi na Lizu limwe lya Kalunga hali echi. Echi chikiko kujina chove.”

<sup>123</sup> Kalunga ambile ngwenyi, “Echa kala lizu lipwenga lya makuli, kaha Kupwa muchano.” Pwevo lyai etu kuvwala. Ikiye ambachile mulitepa. Ikiye keshi naukaluko hali echi. Kaha, mwosena omwo, pwevo keshi namulimo na lizavu lya malunga kuze, kumusekeleka, mwosena omwo. Ikiye atela kupwa muchisambwe mukiko apwa. Echi chakwoloka.

<sup>124</sup> Vakiko vali kaha nakweseka kuwana lisesa, oloze kakweshi numba umweko. Lizu lya Kalunga lili hatoma, kaha pwevo uze nasemuka ku Shipilitu ya Kalunga mwaya. . . Kaha muthu uze nasemuka ku Shipilitu ya Kalunga keshi kuhasa kwecha pwevo lyenyi kulinga ngachizeko. Chuma muka Ikiye ahanjikile? “Ikiye uze mwateta jikambu jenyi, nazeneka kuvumbika mutwe wenyi.” Kaha lunga lyenyi napu mutwe wenyi. Ikiye wakuzeneka kalemesa.

<sup>125</sup> Ngwatela kusoka kanawa. Chosena chakwoloka. Jino, talenu, talenu, echi chili chakutambo. Munatachikiza chuma muka Nguli nakuhanjikaho.

<sup>126</sup> Kangweshi nakuhanjika mwomwo ya lwisoko. Kachi Nanguhanjika echi kuhichila mu lisungu, Kalunga ali na keke ha muchima wami wa shili; echa nguyenga hano hakamenga, kupihilila nakwalumuka.

<sup>127</sup> Nguli nakuhanjika echi mwomwo, masepa, Ngwakuzanga. Kaha Nguli nakweseka kumilweka enu muchano chuma muka,

kaha eli linapu Lizu Iya Kalunga. Etu twatela kwivwa Lizu Iyalindende Iya Kalunga, kupima Lizu. Etu tuli nakuya nakuhita mulwola Iwa kweseka. Haleluya!

<sup>128</sup> Enu munatachikiza nge hanyima ya kweseka kwiza, uze chilombola cha mwana walunga uze apwile wakusemuka kwingila muchisaka cha chikungulwilo? Kachi ikiye emanyine chize cheseko na kusala na kufwila cha ise, jino uze kanyike walunga vamumbachilenga kaha ikiye apwilenga kumuvwika uvwalo, kaha jino nakupwa chilika. Kaha uze kanyike walunga kumuswanyisa muze muchisaka muze ikiye asemukile.

<sup>129</sup> Ou ukiko ukalu na va Pendekosita lelo. Vakiko kutumbuka hano na haze, kaha vikungulwilo vyetu kukokeya vakiko muli eyi jila na muli ize jila. Vakiko kavatwame na Lizu ko.

<sup>130</sup> Kachi ove muya nakutwama na Lizu, kahajino Kalunga, kumona, “Kachi ove mutwama muli Yami, kaha Lizu Lyami muli ove,” Ikiye, Ikiye keshi kuhasa kukana Echiko, Eli linapu Lizu Lyenyi. Kahajino nakuya nakupwa lwola, lwola lumwe, omwo ove navakafumisa na kutwama kusali, kaha valihana chuma chimwe chize chamwenemwene, haleluya, ngolo ja Kalunga wa Undume.

<sup>131</sup> Chize, Kalunga ali nakuvandamina vana Venyi, oloze vakiko kaveshi kuhasa kupwa mumukanako, omwo vakiko vejile kuli luze lwola Iwakweseka. Muya nakwitavila echi? “Chamwaza, eli Iliuka nalingufumisamo.” Chosena chakwoloka. Yenu haze. Kahajino, yako. Ize keshi Mbuto ya Apalahama ko. Mbuto ya Apalahama kayeshi kulinga ngachizeko.

<sup>132</sup> Mbuto ya Apalahama! Jino, Kangwalizakamina chuma muka chejile kuli Apalahama, ikiye atwamine na Lizu Iya lushiko, atwamine kaha na chize. Chipwethuhu omwo Sala ejile, vaze veka kwiza, vamwe vakuhandunuka kwiza, vyuma vyosena, ikiye alavile nge chipwethuhu kachapwile ngachizeko. Ikiye atalile, ikiye afwelelele nge ikiye nahase kumona lushiko, mwomwo Kalunga ashikile echi kuli ikiye, kaha chize chapwile chosena kuze. Lize Iyapwile Lizu Iya Kalunga, atwamine muli ikiye.

<sup>133</sup> Kahajino Ikiye amuhanyine chize cheseko chamakumishilo. “Nanguya nakumuhana chihanda chivali, na kweseka ikiye.” Jino, ikiye ali Iyehi na mwana walunga. Ikiye eji kumonanga ikiye akwechi chize. “Oloze jino Nanguya nakumulweka ikiye, ‘Mbata uze mwana walunga na kumujiha.’ Kaha echa uze mwana walunga, omwo ikiye amwene. . . Ikiye mwaya nakujiha mwana walunga? Nanguya nakweseka ikiye jino.”

<sup>134</sup> Apalahama, wamuchano ku Lizu! Omwo, omwo ove mutambula lushiko, nauya ngachilihi nakwimana chuma kana?

<sup>135</sup> “Nachipwa—nachipwa ngachilihi nakuya na—nachipwa ngachilihi ove uli nakuya nakupwa ngachilihi na tata ya mafuchi, kaha hano enu muli handulendi na myaka fifiteni

yakusemuka jino?” Wamundende Yisaka, pamo fwoteni, myaka fifiteni yakusemuka. “Nauya ngachilihi nakupwa tata wa mafuchi omwo ove uli na myaka handulendi na fifiteni yakusemuka, hano hakiko hali mwana umwe kaha, kaha ove uli nakwenyeka chinjikizo chize ove uli nnacho?” Amena.

<sup>136</sup> “Nachipwa ngachilihi Nanguya nakupwa kachi Ngukwechi kulovoka muchikungulwilo? Nachipwa ngachilihi Nanguya nakulinga echi kachi Ngulinge *echi*?” Mamalelo, iwwililenu kuli lize Lizu lyalindende na kwiza ku Lizu, Lizu.

<sup>137</sup> Ove ngwove, “Ngwevwile lizu kungulweka yami *echi*.” Kachi echi chili chakulimbalaka na Lizu, kachapwile Lizu lya Kalunga ko. Lizu lya Kalunga lyeji kwizanga ku Lizu.

<sup>138</sup> Kahajino Apalahama atambukile nakuya ku Lizu, kaha hanga, Lizu lyalindende lya Kalunga, ku Lizu lya Kalunga, atela kumbata chiyoyelo cha mwa nenyi.

<sup>139</sup> Ikiye ambile ngwenyi, “Twama livoko lyove, Apalahama. Ngunatachikiza ove unanguzanga Yami jino. Kaha vosena hanyima ove, haleluya, vosena vaze vejile hanyima ya ove, nge vali vakulizanga kumbata Lizu Lyami, nachiya nakupwa Mbuto yove, kaha ikiye mwakaya nakuheta chikolo cha mukakole.”

<sup>140</sup> Kachi Ngwapwanga na lwola lwa kukulweka chuma chimwe chize chasolokele mumakumbi amandende kunyima, talenu, chuma muka chasolokele. Mamaah, yami!

<sup>141</sup> “Mwakaya nakuheta chikolo cha mukakole; Mukatanga yove hanyima ya ove. Apalahama, wose mwakukisula ove mwakaya nakupwa wakukisula, kaha wose mwakwangula ove mwapwa wakwangula.” Yesu ambile ngwenyi, “Echi chinapu chakutamo ha lilolwa lyakuchikisa mungwa kukashila hashingo, kaha kulondamana kwishi yakajinga ka kalungalwiji.”

<sup>142</sup> Kaha evi vikungulwilo vize vyafumine kupwa malunga vakakumukomoka kalunga, mwomwo vakiko vanambate Muchano, eli Lizu, na Shipilitu na ngolo ja Kalunga, kaha kutwama na Lizu, mwamono omwo chasolokele? Ove kukujimika mukalungalwiji wakuzeneka kwanuka.

<sup>143</sup> “Chamwaza kachi lize lilolwa lyakuchekesa unga kulisukika hashingo yove, kaha kukujimika kwishi ya kalungalwiji, kuhambakana kunyengetesa uze wamundende hali vaze Vamwe vakuwavisa.” Chuma muka vakiko? Mbuto ya Apalahama ili nakutwama na Lizu lya lushiko.

<sup>144</sup> Mauka amwe etu ali nakuya kuchihela vakiko kukana, vakiko kukana kuka cha Ukalunga, vakiko kavazangile echi muliuka lyavo chekako. Echi chakwoloka. Vikungulwilo vyetu kavyesi Chipendekosita nakuhona kutonda kuka cha Ukalunga ko. Chuma muka echi? Kamweshi nakumonako omu liyavolo nazate? Ikiye ali nakujinguluka kuze kaha ambile ngwenyi vyuma vimwe vya bogus kupwa nge ngachize. Kaha kupwa kaha



malunga vakutanga kushinganyeka vakiko kupwa vakashipilitu, kaha kutala hali chize, kaha kuhanjika, “Tala hali *uze* umwe. Tala hali *uze* umwe.” Kangweshi nakutala hali chizeko.

<sup>145</sup> Kachi ove unapu Mukatanga ya Apalahama, ove muya nakutala ha lushiko lwa Kalunga, chuma muka Kalunga ahanjikile kulinga hali echi. Mukiko kaha. Mutanga ya Apalahama, etu natutala ha lushiko. Kangwalizakaminako vangahi navaholoka muli *eyi* jila kaha vangahi navaholokela muli *ize* jila. Luze lushiko kusala kupwa muchano.

<sup>146</sup> Ove watela kwiza nakuhita muli chize cheseko. Talenu? Eyo. Apalahama, chatete kweseka, kaha jino kujika, kahajino kuhana lushiko luze “Mukatanga yenyi yatela kuheta chikolo cha mukakole.” Ngwazanga chize. Kahajino, vakiko vahetele vikolo cha mukakole hanyima vakiko kweseka.

<sup>147</sup> Chuma chivene chili, etu katweshi kuhasa kwimana na kweseka. Ou ukiko mulonga mazavu etu katweshi kuhasa kwimana cheseko. Echi kacheshi muchima wa Kalunga ko. Echi chili, Kalunga nakisula, oloze kacheshi punga ya Kalunga ko. Mwomwo, talenu, enu mukwechi kambani yosena ya malunga hano na jikambani josena ja vishinganyeka, kaha vakiko kuvahaka mumeya kaha kwiza nakulovoka na kuwana munahase. Vamwe vavo ngwavo, “*Ou* ikiye lunga wamunene. Ove kaweshi kuhasa kukana lizu lyyeni.” Chamwaza, omu mukiko mujila yoyimwe liuka lya Katolika linalivwasana, chuma chochimwe, hali lizavu lya vakakufwelela vakutanga. Vakakutanga, vakiko kutala hali echi, kupwa na jiola najize. Ove kaweshi kuhasa kulinga chizeko. Vyuma vyosena nawa vinapu makuli oloze Lizu lya Kalunga.

<sup>148</sup> Apalahama katalile hachuma chimwe oloze lushiko lwa Kalunga. Chipwethuha chapwilenga ngachilihi, ikiye atwamine na lushiko lwa Kalunga.

<sup>149</sup> Kahajino ou ukiko mulonga etu katweshi kuwana chekako. Chikungulwilo kacheshi kuhasa kuheta chikolo cha mukakole. Kuze kuli vavavulu vakwechi vishinganyeka vya uleya.

<sup>150</sup> Watela kumbata muthu ukawenyi, uzeleta chikolo cha mukakole. Ove unahase kuchilinga kachi ove unatondo. Eyo, mwane.

<sup>151</sup> Echa etu kweseka chindende, ha minyutu yayindende, talenu kachi vakiko navatwama mu Chisoneka.

<sup>152</sup> Jino, kwapwile lwola lumwe muze mu Mbavilone omwo kwapwilenga na—na chifwanyisa atwamine, chifwanyisa chamwaza cha liuka lya Katolika, kaha vosena vase kavanongamine hamavu kuli chize chifwanyisa navaya nakuvocha muliungu lya kakahya. Jino, echi chapwilenga chakusolwesa, chipwe vakiko vapwilenga nakuya nakutwama, omwo Kalunga ambile ngwenyi, “Kanda ukapwa natunga vekako kumeso Ami, mkomoko kala chifwanyisa cha

kalachuma.” Omu mukiko nahanjika Klaunga. Uze muvwimbimbi kwiza.

<sup>153</sup> Vosena va Isalele vosena vakavangijile. Kaha omu luneta nalukavuma, kaha va—va kakwimba tulyalya, na va—na vakamyaso kuvumisa, mwomwoika, vakiko vosena kuholoka kumeso a echi chifwanyisa.

<sup>154</sup> Oloze kwapwile vatatu vavo vase vahanjikile ngwavo, “Nachuma chimwe chauchi.” Vakiko vevwile lize Lizu lyalindende, kaha vakiko vatwamine mumukana na Lizu. Chuma muka vakiko valingile? Vatwamine na Lizu.

<sup>155</sup> Kaha hanyima, vakiko—vakiko—vakiko ngwavo, “Kachi ove kaweshi kuchilingako. . .Etu natuya nakukuhana lihanya likwavo, mokomoko etu natuya nakukumbila mulilungu lya kakahya.”

<sup>156</sup> Ngwenyi, “Kalunga Ketu nahase kutulwila kufuma mulilungu lya kakahya.” [Hatepu hapimbi—Muka.] “Oloze, chipwe ngocho, etu natuya nakutwama na Lizu.”

<sup>157</sup> Jino, ndumbu walunga, ngachilihi ove? “Chuma muka Nangulinga, Ndumbu walunga Branham?” Twama na Lizu. Twama na lushiko. “Liuka lyami naliya nakutambuka kufuma kuli yami.” Twama na lushiko. Vakiko vatela kufuvalala, kuya kaha likumbi limwe, mwosena omwo. Oloze, Kalunga keshi kuhasako. Twama na lushiko. “Chamwaza, Nangumilweka, vakiko navaya nakungutapula.” Twama na lushiko, chochimwe. Ove twama kaha na lushiko. Jino, kachi ove unahase kutwama na lushiko na kutwama kuze, twama hazevene na vakiko jino.

<sup>158</sup> Kulikata na muthu wosena. Oloze jino hano, jino, ove muya keshi nakungalanyako kala jila yeka oloze kusali yakulikata na kalamuthu. Ove watela kupwa. Jino, omwo vakiko navapwa vavapi, vakiko vali vakuzeneka ujila, kahajino twamenu nakufuma kuli echi. Echi chakwoloka. Kanda kupwa mungalila ya mukakole. Oloze kachi ove uli nakweseka kungalanya ndumbu walunga, chize chinapu chakuhandunuka. Talenu?

<sup>159</sup> Jino tala, oloze ove kaweshi kuhasa kungalanyako vishinganyeka vya chikungulwilo, muthu umwe, nduma, mwane, omwo, vakiko vakwechi kuyula chavo, “Etu twafwelela *echi*,” tando. Kachi ove musoneka kunangula chove, “Etu twafwelela *echi*,” kakandende, nakaya nakuneha chihandwa. Tando kulumbununa, “Etu twafwelela *echi*, kaha ove watela kwiza kuli *echi* na chinjikizo cha lipapilo, mokomoko mukiko kaha.”

<sup>160</sup> Oloze kachi ove muhanjika ngwavo, “Etu twafwelela *echi*,” kushinjika, “kuhakilako nge omu tunahase kulinangula kufuma kuli Kalunga. Etu tuli nakusokoloka kuli Shipilitu Wajila,” kahajino ove uli nakuya lika, ndumbu walunga. Eyo. Echi nachiya nakupwa chakuhandunuka jino.

<sup>161</sup> Oloze, mwamono, kachi enu mukwechi kusoneka na tando, kaha Kalunga eji kuhananga chumachimwe kwiza, echi chinenjikiza ku Lizu Lyenyi, ou Muchano, enu kamweshi kuhasa kutambukako, mwomwo yinapu “tando.” Echi nachikumina echi. Muze mukiko va Luteleni vafwile. Muze mukiko va Mesondisiti vafwile. Muze mukiko va Mbaputishiti vafwile. Omu mukiko va Pulishiteliyani afwile. Kaha kuze kukiko kuli va Pendekosita vali nakufwa. Echi chakwoloka. Echi chakwoloka. Vakiko kufwa hazevene, tala, mwomwo echi—echi vanachisoneka lyehi. Kakweshi chuma ove—ove unahase kuhaka echi mokomoko kufumisa muli echi. Echi—echi chili kuze. Echi chinapu kunangula chove.

<sup>162</sup> Luteleni kahashile kwitavila kujilikiwa. Nduma, mwane. Ikiye ahanjikile ngwenyi, “Vakakwoloka navakayoyela ha lufwelelo.” Keshi Martin Luther; oloze lize lizavu lyakavangijile ikiye. Echi chakwoloka.

<sup>163</sup> Keshi John Wesley; oloze lizavu lize lyamukavangijile ikiye. Echi chakwoloka.

Keshi Calvin; oloze lizavu lize lyamukavangijile ikiye.

<sup>164</sup> Keshi John Smith wa liuka lya Mbaputishiti, uze alombele chikuma, ha lwola lwaufuku, palanga meso eyi apwile akuwuva, mwomwo liuka lyenyi; kaha pwevo lyenyi atela kumutwaminyina ikiye na kulisa ikiye kuze na nguto, kumesa. Keshi ikiyeko; oloze eli lizavu lya va Mbaputishiti vaze vakavangijile ikiye, lizavu lize lyejile kunyima yenyi.

Keshi Alexander Campbell; oloze vaze vakavangijile ikiye.

<sup>165</sup> Keshi kutambuka cha vakapendekosita chakuputuka, vaze vapwile na vyuma vyakulifwana, kaha kulikata na kalamuthu; oloze lize lizavu lize lineza kaha ambile ngwenyi, “Nduma. Etu twapwa *echi*, etu twapwa *echi*. Kaha vyuma *kana*, kaha muze mukiko!” (“Kuhandununa vavene, kusoloka keshi kupwa na Lufwelelo ko.”) Chakwoloka. Omu mukiko chalingile echi. Kuli chuma chachipi. Amena. Ngulinakwivwa kulifukula, chimene chino.

<sup>166</sup> Vaze vana va Hepelewu, hanyima vakiko vemanyine cheseko, chipwe vakiko navatwama ha Lizu lya lushiko, mokomoko nduma, vakiko vavahakile kweseka. Kaha chuma muka vakiko valingile? Vakiko vahetele chikolo cha mukakole. Amena. Mwomwoika? Vakiko vatwamine ha Lizu.

Twama na Lizu, lize Lizu lya Kalunga lili nakuhanjika kuli ove.

<sup>167</sup> Jino, mulonga wosena ambile ngwenyi, “Jino, tala. Mbavilone, kayeshi kuhasa kupwa wakuhandunukako. Mwomwo, etu, omwo etu natunongama shimbu kanda echi chifwanyisa, etu tuli nakulifukula Kalunga, mwosena

omwo. Chamwaza, kachi etu natulinga echi muli eyi jila, etu twalumbununa echi muli eyi jila.”

Chilinge mujila Kalunga ahanjikile.

<sup>168</sup> Ngachilihi nge Kalunga ambile ngwenyi, “Mose, fumisa sapato yove, Mose. Ove uli ha mavu ajila.”

<sup>169</sup> Ikiye ngwenyi, “Ngwasakwilila Ove, Mwata. Ngwafwelela muli Ove. Nanguya nakumbata litepa lyami, kachi. Chinapu chikuma chachikaluku kuvangila sapato.” Hu-huu. Huu! Kayeshi kukazachiwako.

Ikiye ambile ngwenyi, “Sapato.” Ikiye kahanjikile ngwenyi “litepa.” Chakwoloka.

<sup>170</sup> Ove watela kwiza, mumukana na mumukana, chuma Kalunga ahanjikile, kaha mumukana na Lizu Lyenyi.

<sup>171</sup> Jino, hanyima vakiko vapwilenga na cheseke, vakiko vahetele chikolo cha mukakole wa kakahya. Vakiko vawanyine nge, omwo vakiko yayile nakushikumuka kumakumishilo, twama ha Lizu Iya Kalunga, vakiko vahetele chikolo. Echi chakwoloka. Hanyima . . .

<sup>172</sup> Ndanye. Kuze kwapwile kuvilika chayilemo, kaha vafwachikile kuli va Mete nava Persians, oloze kavavalumwineko, chize, “Kachi kala muthu alombele kuli kala kalunga, echa ikiye vamumbilile muwina wa vandumba.” Kaha Ndanyele atachikijile nge Lizu Iya Kalunga Iyapwa lika, kulomba kuli Ikiye kaha, shikaho ikiye asokolwele jijanene na kulomba mwosena omwo. Jino, ikiye kakinduluka mumbangoko. Ikiye asokolwele jijanene kutwala ku tembele. Ikiye kapwile na sonyiko hali chize.

<sup>173</sup> Kaha etu katwatondele kulilongesa kulifukula chetu ha Chalumingo, na Chimwe kulinga chumachimwe nawa. Mokomoko, kufwelela mumuchima wove chuma chimwe, twaya kumeso a muthu weka na kuhanjika, “Chamwaza, Ngunahono kutachikiza. Yaah, Ngwashinganyeka ove uli wakwoloka.” Pwako omwo uli. Ove kaweshi, kulovoka mukamenga, fuma muliuka. Echi chakwoloka. Mwomwo, enu muli na mukulipika na vosena vavali. Twama omwo wapwa. Hanjika chuma ove wafwelela, kaha kaweshi kupwa nachuma chakukundwizako. Ove unema vene mukiko vene muchano. Kalamuthu atachikiza maulombo ove. Malunga navakaya nakusakwilila, kalamuthu.

<sup>174</sup> Kaha pwevo nahase kupwa wamupi kaha wakumuzanga wauchi. Ikiye nahase kupwa wamunene, wamaji, wamundende, washikishiki, mutwe ulava, meso achila, meso ausombo, meso atomonoka; umwe, umwe mujila, kaha umwe mukwavo. Oloze kachi uze pwevo apwa utoma, pwevo wakalemesa, kaweshi muthu muno mulifuchi oloze mwaya nakufumisa litepa kuli vakiko, ikiye akwechi ulunga muli ikiye. Hazevene.

Mwomwo, ikiye—ikiye kuneha chuma ikiye apwa, kaha malunga kusakwilila.

<sup>175</sup> Shikaho mukiko Kalunga kusakwilila muthu uze mwaya nakupwa omwo ikiye apwa, mokomoko malunga vaze valivuluka kupwa Vakakulishitu. Echa tupwenga Mukakulishitu, wakuzala na Shipilitu Wajila, na Lizu Iya Kalunga, mokomoko kuvulyama echi. Chakwoloka. Mwomwo, nge chikwavo, ove mwiza nakupwa mukamakuli, kaha kuyoya chiyoyelo chakuhandunuka. Kaha vathu kumona ove kuya nakulovoka mukina, na kunwa makanya, na vyuma nge ngachize, na kulivuluka kupwa Mukakulishitu, kahajino, talenu, enu kuhaka chimbuji mujila yeka.

<sup>176</sup> Talenu mapwevo, lwolalumwe, omu veji kuteulanga jikambu javo na kuvwala na kulinga muli eji jindeleji jajindende, kutala nge wakuhingunuinamo mokomoko chumachimwe, kaha kuya nakulovoka mujila kutambuka nakujinguluka, tukukunya pamo nge helu, kutengenya nakushikumuka mujila. Echi chikiko chipendekosita? Kahajino aze—aze mauka akwavo kuhanjika, “Vakiko vavuluka kupwa nachuma chimwe chize vakiko kavapwile nachoko.”

<sup>177</sup> Ove unapu wakujika na vyakusoneka kuli Shipilitu Wajila. Ove kaweshi muzuvo yakkukinyina ufukuko na kusukama mumavoko amwe, aze kaweshi alunga lyoveko; ufuku ukwavo, kaha kwiza nakukinduluka kuliuka na kukina mu chihela. Chize kacheshi chipendekosita ko. Chize chinapu makuli. Aze anapu majilo.

<sup>178</sup> Kangweshi chikuma kuhanjika echi kuli enuko. Oloze, ove mwijiva, eji jitepu vatunganga hano muno mukaye, shikaho Ngwanangulanga kaha echi nge kaye kosena. Omwo Ngwevwile Kalunga kuhanjika, “Kuhanjika chumachimwe,” Ngunahanjika kaha, mwomwo Ngunahono kutachikiza okwo nachiya nakupwa. Chize chinapu kuli Ikiye kuzakamina chize. Twama kaha na Lizu. Echi chakwoloka. Chosena chakwoloka.

<sup>179</sup> Nduma, Ndanyeke kahashile kunongama hakuvilikako, chipwe ikiye vamumbilile muze muchikungulwilo mokomoko chiku. Ikiye atwamine vene ha janena, kaha atwamine na Lizu Iya Kalunga. Ikiye kapwile na sonyiko ya Echi.

<sup>180</sup> Chasolokele ngachilihi? Vakiko vamumbilile muwina wa vandumba, oloze ikiye ahetele vikolo vya vandumba. Mwomwoika? Upahu! Mwomwo Kalunga ambile ngwenyi. . . “Mbuto Yove nayikaheta chikolo cha mukakole.” Kala mukakole, enu mukwechi chikolo. Mamalelo, kapapa kangahi tunahase. . . ?

<sup>181</sup> Tala hali Mose, kukavangiza mumukana wa jishimbi ja Kalunga, ayile nakushikumuka mu Ejipitu, kusoloka nge vyuma vimwe vyapwile vyakulimbilaka. Ikiye apwilenga navakakulifwanyisa vaze vayile na ikiye. Ikiye ayile na lizavu

lya—lya vinjikizo, kusolola nge ikiye apwilenga wakutuma. Ambilile uze linoka hamavu, na vyangocho.

<sup>182</sup> Kaha hano hejile vakakulifwanyisa, navakiko nawa kumbila yavo hamavu. Chuma muka ikiye mwalinga? Chauchi. Kalunga kamulwekele ikiye nge vakiko navaya nakulinga ngachize. Ikiye atondele kweseka Mose. Ikiye apwilenga Umwe Uze etavijile va Yane na Yambele kumbila manoka javo, mokomoko mikombo yavo.

<sup>183</sup> Shikaho kuze kwemanyine Mose hamulimo. Ambilile mukombo wenyi. Walumukile kupwa linoka. Ikiye ambile ngwenyi, “Tala hali chize, Fwalo. Omu mukiko Mwata nangulweke yami kwiza, kumeso ove.”

<sup>184</sup> Fwalo ambile ngwenyi, “Twaya kuno, Yambele na Yane.” Vakiko vambilile mikombo yavo. Ikiko yalumukile kupwa manoka, chuma muka Mose alingile.

<sup>185</sup> Kumeso eyikwalumukile ngengu? Nduma, mwane. Ikiye hanga afwelelele Kalunga amutumine. Ikiye atwamine na lushiko. Kaha chasolokele ngachilihi?

<sup>186</sup> Omu mukiko enu muli kumeso aviwanyino vimwe. Kumeso ove kunahase kwalumuka ngengu, chindende. Twama na Lizu.

<sup>187</sup> Chasolokele ngachilihi? Vosena kamwe, uze fwiji wamunene wa Mose kwiza na kuvamina. Kalunga enjikijile. Hanyima ya kweseka chenyi, ikiye ambile ngwenyi, “Ngwatondo ove, hali echi chinjikizo, echa vakiko vana vayenga kuze. Ngwatondo enu kuvatuma vakiko kwimbo, kuze vakiko vapandama. Kalunga kwiza nakushikumuka hano nakuvalweka, ngutumenu hano nakugasokola vakiko. Ngwatondo vakiko kuya kunyima.” Ikiye ambulile chize hamavu.

<sup>188</sup> Mamalelo, chize cheseko kwiza. Mose, chuma muka ove muya nakulinga, kwalumuka nakujinguluka, kutambuka nakuya, kuhanjika, “Chamwaza, Ngunahase kupwa wakupenga”? Nduma, mwane.

Mose emanyine haze, “Kalunga atumine echi.” Upahu!

<sup>189</sup> Kalunga ngwenyi kala chuma, twama na Echi. Chipwethuhu nachisoloka, kutwama na Echi. Kachi vakiko navahaka na kuhanjika, “Etu katweshi nakulinunga, kaveshi kuhasa kulinga *echiko*,” twamenu na Echi.

<sup>190</sup> Mose atwamine na chize. Chasolokele ngachilihi? Ikiye ahetele chize chikolo cha mukakole. Haleluya. Uze liyavolo ambile ngwenyi, “Nanguya nakumbila Kalungalwiji Wakufwa kulutwe lwove,” oloze asokolwele. Vakiko kavahashile kupalama mu Ejipitu chekako. Ikiye ahetele chikolo cha mukakole. Mwomwoika? Mwomwo ikiye atwamine na kutuma cha Kalunga kumuhana ikiye. Jishimbi ja Kalunga, ikiye atwamine na Lizu lya Kalunga kaha ikiye ahetele vikolo vya mukakole.

<sup>191</sup> Yoshiwa, hanyima ikiye ayile nakuhita mu cheseke. Ikiye napunga hano, kakavulu, kaha kuhita nakuzauka Yotane, ikiye kaha Kalave, na vandoji. Omwo ikiye akindulukile kufuma ku Yotane, vakiko vahetele ku Kadesh Barnea. Kaha vosena vambile ngwavo, “Mamalelo, kachi etu natuputuka, chize nachiya nakuhokola mazavu etu muvihanda vihanda. Etu katweshi kuhasa kwingilako.”

<sup>192</sup> Ize shipilitu kayeshi kufwako. “Mamalelo, etu katweshi kuhasa kupwa na Chizeko. Kachi etu natulinangula Echi kuli vathu jetu, chuma muka etu natulinga? Etu natuya nakupwa hakamwihi na chimbwa mukakuzata muliuka, muliuka, kulovoka. Vakiko valimbachile kapapa kavali, kapapa katatu. Natuya nakulinga ika? Etu, mwomwoika, kachi etu natulweke mapwevo jetu nge vakiko vatela kuvwala jikambu jajisuku, munatachikiza chumamuka vakiko navaya nakulinga? Vakiko vasele liuka. Kaha chumamuka etu twatela kulinga? Mwomwoika, etu navatuvuluka vakumwaka.” Yesu apwile wakumwaka, nawa. “Etu katweshi kuhasa kulinga ngachizeko. Etu katweshi kuhasa kulinga ngachizeko. Echi chili chikuma kuli etu.”

<sup>193</sup> Munatachikiza mukakufwelela mumumuseto omu eji kupwanga. Hepeleu, kapetulu 6, kulumbununa chize. “Wose uze amakililile, kupwa wakatumbula kuli Shipilitu Wajila, kaha kufumako, kulitungulula lyavene cheka.” Ikiye ejile kuli uze museto kaha akanyine kuya, mukiko kaha, akanyine kufwelela chosena.

<sup>194</sup> Mwomwo, chuma muka Kaleve alingile? Chuma muka Yoshiwa alingile? Ikiye ngwenyi, “Etu tunahambakana kuhasa kumbata chize.” Mwomwoika? Vakiko vatwamine na vize ashikile Kalunga.

<sup>195</sup> Mwomwoika, vakiko vambile ngwavo, veka ngwavo, “Chamwaza, vakiko vanapu vakutaluka. Vakiko vapwile na mbango. Vakiko vali muli *eyi* jila. Mwomwoika, etu katweshi kuhasa kukwata vakiko, mujila kanako.”

<sup>196</sup> Yoshiwa ambile ngwenyi, “Etu tunahambakana kuhasa kulinga chize. Hola kulu, enu vathu! Holenu! Twama hamavu!” Amena.

<sup>197</sup> Nangumilweka, lufwelelo luli muchuma chachinene, omwo chejile ha Lizu lya Kalunga. Ikiye kevile womako jino. Lufwelelo lukwechi jikambu hatulo, mishisa yayinene. Lweji kuhanjikanga, “Hola kulu!” Vyuma vyosena vya kwingila muze mumbango, echi chakwoloka, nge Kalunga mwahanjika. “Enu twamenu muli Yami, kaha Mazu Ami muli enu, ngwenu chuma muka ove muya.” Yenu haze. Mamalelo, Ngwazanga chize. Huu!

Maliyavolo kuchikima, kaha vakashili  
kuhinduka;

Lufwelelo muli Yehova vyuma vyosena kuchikima.

<sup>198</sup> Nauya ngachilihi nakupwa na lufwelelo omwo ove unatachikiza nge ove kaweshi kuhasa kuzatako, kutambuka mu Lizu Lyenyi, nge ove unatachikiza kuli chumachimwe chize ove watela kuhanjika kaha ove kaweshi nakuchihanjikako? Kuli chumachimwe ove watela kunangula kaha kawachinangulako. Kuli chumamchimwe haze ove wahono kuhanjika, kaha nauya ngachilihi nakupwa na lufwelelo nge unatachikiza ove unahenge?

<sup>199</sup> “Kachi muchima wove kaweshi nakukupaisako.” Ove uli. Yenu haze vene. Oloze twamenu na eli Lizu, kuze kakweshi chuma chakupaihiwa. “Kakweshi kupayako kuli vakiko vaze vali muli Kulishitu Yesu, vaze kavatambuka mwaya musonyiko oloze hali Shipilitu.” Ou Shipilitu eji kutwaminyina na Lizu, mwomwo Shipilitu nahase kaha kulovoka mu Lizu, mwomwo Lizu Lyenyi linapu Shipilitu. Kaha Echi chinahase kaha . . . Ou Shipilitu wamwenemwene wa Kalunga nahase kuhanjika kaha Lizu lya Kalunga. Mamaah, yami! Yami, yami!

Fuma, mukaye. Satana, tuseze.

<sup>200</sup> Kanda kwivwa womako kuhanjika kuli eyi pili, “Tutuluka.” Hanjika echi. Twama haze, tala omu mwakwata. Echi chakwaoloka.

<sup>201</sup> Oloze ove ukwechi kupayishiwa kuze, ove watela—watela kuholo kulu. Ove uli kaha nakufumisa lileji. Ove kaweshi nakuhanjika muchano ko. Ove kaweshi nakuhanjika vyuma vize ove watela kuhanjika. Chosena chakwoloka.

<sup>202</sup> Etu tunawane jino nge Yoshiwa, hanyima ikiye ayile nakuhita muli chize cheseko, ikiye amwene chinjikizo cha lifuchi lya mwaza, kaha ikiye kwimana kuze ku Kadesh Barnea kaha kuyayavala hali vosena, kaha ambile ngwenyi, “Etu tunahambakana kuhasa kumbata chize. Etu tunahase kuchimbata echi.” Chishinganyeka muka? Kulusu ya kuze.

<sup>203</sup> Chapwile chishinganyeka cha Mose? “Kusolola echi chinjikizo na kuneha vana.” Kaha kusoloka nge chahonene. Oloze ikiye atwamine na Lizu, kaha chikolo cha Kalungalwiji Wakufwa kahashile kumukwata ikiyeko. Ikiye ayile nakuhita muli chize. Ikiye kuheta chikolo cha mukakole.

<sup>204</sup> Yoshiwa, kutala ha lushiko lwa Kalunga, ngwenyi, “Etu tunahambakana kuhasa kumbata chize.” Echi chakwoloka. Kaha omwo ikiye ejile nakushikumuka ku Yotane, chuma muka ikiye alingile? Ikiye ahanyine jila. Amena. Mukiko kaha. Ikiye kuheta chikolo cha mukakole. Uze Yotane apwile nakumuhonesa ikiye kuya kuze na kumbata luze lushiko. Oloze omwo ikiye ahetele kuze, ikiye apwilenga Mukatanga ya Apalahama. Mwomwoika? Ikiye afwelelele Lizu lya Kalunga. Omu mukiko kaha ove unahase kupwa Mukatanga ya Apalahama, shina



kufwelela Lizu Iya Kalunga. Kaha jino chuma muka ikiye alingile omwo ikiye ejile nakushikumuka kuze ikiye apwile wakulizanga kumbata mukakole? Kalunga asokolwele chikolo, kaha ikiye achiyete, achimbachile, ayile.

<sup>205</sup> Omwo jita yatete, chimbalangani chenye chatete ikiye apwile navo, jize jimbango japwile jajinene chikuma vahashile kupwa na matemba kulaha haze helu Iyajo. Mwaya ngachilihi navavawana? Vakiko kulaha kufuma kuli ikiye, kukinduluka mukachi. Mukakole mwaya nakulinga, nawa. “Oloze ove muya nakuheta chikolo cha mukakole.”

<sup>206</sup> Ambile ngwenyi, “Mwata, chuma muka Ngwatela kulinga?” Ikiye atambukile nakujinguluka, musana umwe, nakulomba. Ikiye amwene Muthu nemana na poko Yenye yauvela kuvali yakusolomona. Yoshiwa asolomwene poko yauvela kuvali, ambile ngwenyi, “Ove Yove hali etu? Ove Yove hali mukakole wetu?”

Ikiye ambile ngwenyi, “Yami Kapitawu wa jita.”

“Chuma muka Ngwatela kulinga?”

<sup>207</sup> “Kutambuka nakujinguluka echi, kapapa katanu nakavali. Chivwumino cha ndolombita. Enu namuya nakumbata chikolo cha mukakole.”

<sup>208</sup> Ikiye aholokele hamavu. Eyo, mwane. Mwomwoika? Ikiye apwilenga Mbuto ya Apalahama, uze alaminenga Lizu Iya Kalunga. Ikiye ambachile kala chikolo chize chejile kuli ikiye. Punduvene.

Echi chili nakuya nakutoka. Ngwatela kwecha.

<sup>209</sup> Tala, vaze vosena vindume vamwaza, ngukwechi lipapilo Iyakuzala vakusoneka hano. Oloze vindume vosena vamwaza, vyuma vize vakiko valingile, vakiko makumishilo vafwile.

<sup>210</sup> Oloze jino kwejile Mbuto ya mwenemwene, ize Mbuto ya Wangana ya Apalahama, Yesu, lushiko. Apalahama apwilenga na Isaka, wamuchano, hanyima ya nyama, oloze Mbuto ivene kayapwilenga mu zachiso kanako. Echi chapwile mu lushiko Iwa Lizu Iya Kalunga, nge Ikiye mwaya nakumulingisa ikiye kupwa ise wa mafuchi, keshi kuhichila muli Isaka ko, oloze kuhichila mu Mbuto ya Wangana, Yesu. Ize yapwilenga Mbuto ya Wangana, ize, vene, ize Mukatanga ya Apalahama, Yesu, kapwile ka Yuleya ko, chipwe apwilenga Ikiye Mukamafuchi eka naeka. Ikiye apwilenga Kalunga. Talenu? Chize. . .

<sup>211</sup> Enu va Katolika hano, kisula muchima wove. Oloze omwo enu mweji kulifukula kuli Maliya nge makombelo wapwevo, ukalu ulihali na enu, mwosena omwo? Maliya kapwilenga chumako shina pwevo. Kalunga amusakwile ikiye. Ikiye apwilenga kaha mukakukumbila. Mukiko kaha. Muze mwakukumbila, mukiko apwa pwevo, oloze ali wakulivwasana na mbuto ya Iyanga.

212 Oloze, eli linapu lizavu lyakulifutula, oloze Ngwatela kuhanjika echi shikaho enu namuya nakwivwushisa chuma muka Nguli nakuhanjikaho. Jino, enu ivwulilenu kuli ndotolo yove—yove, kaha Ngunapu ndumbwenu. Punduvene, munahase.

213 Maliya kapwilenga na chakwimichisakomuli Kulishitu. Kakwapwile numba kwivwa cha usunda omwo Shipilitu Wajila amuuville ikiye, keshi numba chindendeko. Oloze Kalunga Wakulitulaho, uze Tengi, atengele kaliundu ka Manyinga na chize chakwimichisa. Huu! Kachi chapwile chakwimichisa muli Maliya, jino kachi vafu kavasangukako.

Upahu! Echi cheji kwizanga ututa. Ngwakwachile chize.

214 Jino kachi enu namuhanjika nge kwakuchi chihandwa, chuma etu natulinga, jino mwomwoika Kalunga atulwekele kufuma kuvyuma vyakuhenga? Mwomwoika Kalunga akatwile mujimba wa Yesu, kachi echi kacheshi ngochoko? Shikaho, mwamono, kuze kakwapwile pwevo wakununga nalyoko. Kachi kuze kwapwilenga, kahajino mujimba Wenyi wapwile hanyima ya naye Yenyi, Maliya, mwomwo ikiye apwile na ujila ha kumufwika kuli shipilitu uze alingishile ikiye kupwa na—kupwa na kufumisa sperm, kaha chapwile chakuhenga. Ou Shipilitu Wajila, hakwimita chakuzeneka kuliwana nalunga, haleluya, haze Ikiye atengele na sperm ya lunga na pwevo.

215 Kumana Yesu amusanyikile ikiye kupwa “naye”? Wana mu Chisoneka. Ikiye amusanyikile ikiye kupwa “pwevo.” Haleluya! Pwevo! (Echi chili chituta. Ou ukiko mulonga uli nakulinga mujila ili nakulingika.) “Pwevo, tala mwana walunga.” Miliyoni milosi hakamwihi na ikiye kuhambakana omu Ikiye apwilenga.

216 Ikiye apwilenga Kalunga. Ikiye kapwilenga chipwe ka Yuleya mokomoko Mukamafuchi eka naeka. Ikiye apwilenga Kalunga, mumusonyi na mujimba, Kalunga atwama muli Ikiye. Kalunga atwama mu sperm ya pwevo? Kahashile kuchilingako. Ize sperm ya pwevo atela kupwa nachuma chimwe chakulinga na nyama. Oloze apwilenga Manyinga kuhakilako na sperm, uze Kalunga amuuville.

217 Ikiye ahashile kuchihaka hali uze mutango kachi Ikiye atondele. Eyo, mwane. Ikiye nahase kuhaka echi kwosena Ikiye atondele.

218 Oloze Ikiye achinehele mwomwo pwevo kupwa mukuholoka. Kuze kwejile Mwana wakukupuka wa Kalunga wakuyoya, kutunga, kusemuka kuli sanda, mujimba na mwono.

219 Mwomwoika Ndavichi ahanjikile, “Kangweshi nakumona Wami Wakujila. . . echa Umwe Wami Wakujila kumona kupola, Umwe Wami Wakujila kumona kupola. Chipwe Yami kuseza mwono Wenyi muhetese”? Ndavichi ahanjikile ngachize. Talenu? Vosena mwono, mujimba, kaha shipilitu, vamutengele kuli Kalunga, hali Ikiye.

220 Uze pwevo kapwile nayeko, apwile pwevo. Ngwafwelela ikiye apwile wamwaza, pwevo wakujila, mukikovene. Ikiye kanda lyehi apwenga mukakukumbila, Kalunga kachi kazachishile kusakula kukumbila cha majilo. Mwata netavila, Nguli nakunangula hali echi ufukuuno. Oloze—oloze ambile ngwenyi, “Majilo amwaka incubator kuneha Ikiye—kuneha Mwa Nenyi hano hamavu? Ikiye asakwile sanda, hakuhona kulimona na lunga.” Chipwe ikiye apwenga na sperm, mokomoko kalachuma nawa, omwo Shipilitu Wajila amuuville ikiye, mwomwo, Kalunga, mu chiyoyelo Chenyi chakukupukau, mujila yakutachikiza vyosena, kutenga muli ikiye, mu mwono wenyi, mujimba, na Shipilitu ya Yesu Kulishitu. Echi chakwoloka. Ikiye apwilenga Mwana walunga wakusemuka kuli Kalunga.

221 Chuma muka chalingikile? Echi chahokwele chikolo cha mukakole. Haleluya! Hee! Echi chili nakupwa chamwaza, kuli yami. Tala. Mwomwoika? Ikiye ahokwele chikolo cha mukakole hazevene, uze muthu wosena uze nasemuka muno mukaye kuhichila mukufwila chausunda, nge nahase kuya Mwilu mwomwo ya usunda ukiko waputukile kumaputukilo, muze mulitepa lya Milemba, mwomwoika vakiko valifwikile vavene. Omwo Ikiye alingile chize, Ikiye ahokwele chize chuma chimwe muze vene, kaha kuheta chikolo cha mukakole. Ha chuma muka? Kumbata Mukatanga ya Wangana ya Apalahama, ha lwola lwatete, na kuyichika kwishi. Ize Mbuto ya Wangana ya lufwelelo na lushiko, keshi kwimita cha Maliya ko, oloze ya Kalunga, kuhokola vikolo. Echi chili, echa muthu apwenga kuhichila mu chikolo. Upahu kuli Kalunga!

222 Chuma muka Ikiye alingile? Kahajino ahatele chikolo chosena cha mukakole. Ikiye ahatele chikolo cha misongo. Misongo kayahashile kupwa Kumeso Eyi ko. Nduma, mwane. Chipwe kupwa nakalachuma nawa kupwa Kumeso Eyi. Mwakupwila chililo kacheshi kuhasa kwimana Kumesp Eyiko. Nduma. Chumamuka Ikiye alingele?

223 Yoshiwa afwile. Mose afwile. Vosena vafwile, oloze keshi Mbuto ya Wangana ko. Kufwa kacheshi kuhasa kwimana kuze Kuyoyako.

224 Uze pwevo wakufuma kuli Nain, kwiza nakulovoka na kanyike walunga. Kwimana kaha ambile ngwenyi, “Katuka, mwana walunga.”

225 Uze kanyike wapwevo apwile wakufwa, Jairus mwana wapwevo, Ikiye ahanjikile lizu kunyima kuze mukaye kwakuhona kutachikiza, kaha ngwenyi, “Mwana wapwevo, katuka.”

226 Lazalu, kufwa makumbi awana na mujimba wenyi kupola, kaha mwono kufumamo, mumakumbi awana. Ikiye ambile ngwenyi, “Lazalu, lovoka.” Upahu!

227 Haze Ikiye vene. Chuma muka Ikiye alingile? Ikiye ahokwele tutachikijilo twa vyuma vyosena. Haleluya!

228 Omwo Ikiye atelele kufwa jino, Ikiye kahashile kukwata chize chiyoyelo ko. Ikiye kachi kafwileko, oloze Ikiye atelele kuhana chize kuyoya. Kaha omwo Ikiye ahanyine chize chiyoyelo, Ikiye afwile na kufwa. Kaha mwono Wenyi wamwaza, nge omu yahanjika Mbimbiliya, asulukile muhetese, kumbata chihela chami na chihela chove. Ize Mbuto ya Wangana ya Apalahama! Chuma muka? Ikiye apwilenga Mbuto ya Wangana. Mamalelo, upahu!

229 Jino etu tunapu Mbuto ya Wangana, chuma muka, uze atwama na Lizu, kupwa kaha vene nge omu Ikiye apwilenga. "Mwomwo kukuputuka kwapwilenga Lizu, kaha Lizu lyapwilenga na Kalunga hamwe; kaha Lizu, lyalitengelekele kupwa wachisemwa cha hamavu, kaha atwamine muli etu." Kamweshi nakumonako muze mwatwama Mbuto ya Wangana? Ize Mbuto ya Wangana ize yatwama na eli Lizu.

230 Ove vakuzeya muli nakufwila kulivwasanyina hamwe na liyavolo, na ji fashion ja mukaye. (Kangweshi nakuhanjika kuli enuko hano.) Kuze, enu vakakunangula vase vanatachikiza nge enu namunangula makumbi avikomwesa ahita lyehi, ove kunangula kakweshi chuma chakufwana nge lujimiko lwa Shipilitu Wajila, sonyi hali ove, na kulivuluka ove lyavene kupwa Mukatanga ya Apalahama.

231 Ize Mbuto ya Wangana yatwamine na Lizu. Mbuto ya Wangana, keshi wakusemuka kuli muthu ko, kakweshi chuma chakulinga na lunga mokomoko pwevo. Uze pwevo napu liuka; kakweshi chuma chakulinga na liuka ko. Maliya kapwile nachuma chimweko na ize Mbuto. Chipwe kupwa na liuka, vavuluka kupwa chikungulwilo, kupwa na kala chuma chakulinga na ize Mbuto. Echi chinapu kusemuka chaka? Keshi cha chikungulwilo, keshi Mesondisiti, Mbaputishiti, Pulishiteliyani, Katolika, Luteleni, na vyangocho.

232 Oloze, kusemuka cha Mbuto ya Wangana ya lushiko lwa Kalunga, uze ikiye eji kumbatanga chikolo cha mukakole. Echi vachimbachile lyehi kuli ikiye. "Mwomwo kachi enu namupwa muli Yami, kaha Lizu Lyami muli enu, lomba kala chuma ove unatondo, nachiya nakulingika hali ove." Yenu haze vene. Elu lunapu lushiko. Echi chinalingika lyehi.

233 Mwono wenyi wamwaza asulukile muhetese, kuze Ngwatela kuya. Oloze haze halikumbi lyamuchitatu . . . Samson kuzundula chize chikolo cha mbongi hanyima yenyi, keshi na chuma chakulinga na echiko. Ikiye ambachile vikolo vya hetese, vikolo vya chimbumbi, na vyuma vyosena nawa. Ikiye achitwalile helu hapili, oloze Ikiye achenyekele. Haleluya! Ikiye ahetele chikolo cha mukakole.

<sup>234</sup> Uze utangatanga wazalile na ngolo ja liyavolo, helu, vase Vangelo mokomoko kwauchi vasulukile hamavu. Kuze kakweshi numba mukakwimana mulipwatako, mwomwo ya manyinga avapembe kawahashile kufumisa shiliko. Oloze Manyinga enyi Ivene kufumisa shili.

<sup>235</sup> Kaha Ikiye akandukile Helu, kutwaminyina muufunge. Ikiye ahanyine mawana kuli vathu. Jino, kala Mbuto ya Apalahama ize ili yakulizanga kufweta ndando, kwiza nakushikumuka na kupihilila nakwalumuka jishili javo, vamijimike mu Lijina lya Yesu Kulishitu chakuneha kujimbangana shili yenu, kwimanyinako na Shipilitu Wajila, na kwimana cheseko.

<sup>236</sup> Kaha omwo vakiko navafuma mukaye muli enu, vyuma vize vinayi, vyumavimwe vize vyakuhenga, vyumavimwe vize vyasoloka kuhenga, nge mapwevo na jikambu javo, malunga na kutwalilaho, na mauka na mazavu avo, kaha na—na pashita uze vali nakulama kuli vakakuzata jenyi, na—na vyuma vya muyachi kana. Vamwe vamukaye va vyuma vimwe vikwavo kupwa muze kaha mwomwo kulinga pashita kupwa wakuhutwa, kumufumisa muliuka.

<sup>237</sup> Yako lika, kafunga. Kalunga akukisule. Twama mwakwoloka na Lizu. Kanda kumbata chumako.

<sup>238</sup> Ikiye akandukile Helu. Chuma muka Ikiye alingile? Ikiye ajihile wina, chikolo, chize, kulomba cha eyi Mukatanga ya Apalahama. Mwomwoika? Mwomwoika? Kachi etu natupwa Mujimba wa Kulishitu, kachi etu twafwa, etu twalimona etu vavene kupwa vakufwa kaha vakufunda muli Kulishitu, kaha kusanguka na Ikiye mukusanguka. Ikiye napu Mutwe wa Mujimba. Kulihi Mutwe uli, Mujimba uli na Echi. Kaha jino, chimene chino, kuli vosena vase valingile ngachize, “kutwama na Ikiye mu vihela vya mumelu,” na Mbuto ya Wangana. Mwalise Kalunga.

<sup>239</sup> Kakweshi vikolo. Ove kaweshi kuhasa kulomba *echi* kwakusuku, na kuhanjika, “Mamalelo, mamalelo, *kuli* lizu.” Huu-hu. Vakiko vasokele, haze vene.

<sup>240</sup> Oloze kachi muchima wetu naupaisa etu keshi; kachi etu tunatachikiza nge etu tuli nakutambuka mu jishimbi ja Kalunga; etu twamono viyoyelo vyetu kuvikosa; etu twamono *echi*; kala Lizu lize Kalunga ahanjikile, etu tweji kulamanga Echi; kahajino vikolo vya mukakole atela kupwa wakuhetuwa. “Kahajino lomba kala chuma ove unatondo, nachiya nakulingika hali ove.” “Ikiye mwakaya nakuheta chikolo cha mukakole.” Mamalelo, ndumbu walunga, liuka muka lize naliya nakupwa!

<sup>241</sup> Omwo Nangukakinduluka cheka ku Phoenix, kachi Mwata netava, Ngunatalilila, omu nangutambuka kwingila mumbalaka, eji jipanda kupwa jakukundamina, kaha kala pili yosena yakuzala na Mujimbu wamwaza kutambuka

muli ino mbongi nayiya nakupwa hamwe na vakakujila ja Kalunga wakuyoya: tala nge Mukakulishitu; kuhanjika nge Mukakulishitu; kulinga nge Vakakulishitu; na Shipilitu ya Kalunga kutambuka mukachi kavo, kuze, kachi shili yimwe, uze Shipilitu Wajila achisanyika hazevene.

<sup>242</sup> Echi nachiya nakulingika. Ove wamono mumukana wakulombelela, nge helu hano ha kamenga. Kulihi, kuhanjika, “Ove yako kunyima kuze na kulingisa echi kupwa chakwoloka na lunga lyove. Yako, mulweke pwevo lyove nge ove wapwanga, ufuku shimbu kanda makumishilo, na uze pwevo, natwame hachihela cha *munganji mukananga* chimwe.” Kachi Nachiya nakulingika hano, ha kutambuka mu Lizu, kwivwulila kuli lize Lizu lyalindende, Naliya nakuchilinga. Ove unapu Mukatanga ya Apalahama. Kahajino, kakweshi shili ko.

<sup>243</sup> Mukakunangula, kaweshi kuhasa kumona echi muliuka lyove? Kutambuka muli eli liuka, kaha kutala kushikumuka nakuhita *hano*, talenu malunga na mapwevo, vakaukalunga, mukakujila, natwame haze wakuzala na ngolo ja Kalunga. Shili kayeshi kutambukamoko. Muthu umwe kutambuka nakwingilamo, ize Shipilitu kukatuka kaha kuhanjika, “John Jones, ove wafuma ku *munganji mukananga*, mbongi ya, chihela chimwe cha *munaganji mukananga*. Ikiye ali hano na kuwana kuka mujimba wenyi. Talenu? Ikiye alingile chuma *chimwe* ha chihela *chimwe*. Ikiye alingile *echi*, kaha ikiye ambachile, atela kumbata *echi* kunyima, kulingisa *echi* kupwa chakwoloka, kahajino Kalunga mwaya nakumuhindula uze kansa. MUKIKO MWANAMBE MWATA.” Yami, yami!

<sup>244</sup> Nguhanenu liuka, nguhanenu malunga likumi, vakuza- . . . , kupwa veneluheto lwa Kalunga, ize Mbuto ya Wangana, kuhaka vakiko malunga hamwe, kaha tala chuma muka nachiya nakusoloka. Nguhane zuvo yayinene ya vathu nge ngachize, kaha Nanguya nakumilweka Kumunyika nge kaye nakaya kuli echi. Echi chakwoloka. Omu mukiko Kalunga atonda etu kupwa. “Ove unapu mbongi yatwama hapili.” Ove unapu Mbuto ya Wangana ya Apalahama. “Nachikaya nakuheta chikolo cha mukakole.”

<sup>245</sup> Misongo, kuli chuma chaneha misongo. Kuli chuma chaneha vyuma evi. Kaha Kalunga, ou Shipilitu Wajila, ali hano kusolola chize chuma na kukulweka ove mwomwoika ove kaweshi kuhasa kupwa nachoko. Ukalu uli halihi na etu? Etu katwatela kulikomokelako, “Nachiya Nakuchilinga?” Echi chili lyehi nakuchilinga. Chuma muka ove mulinga?

<sup>246</sup> Tala uze kapolofweto. Ikiye evwulilile kuhuhwa chapeho, “Upahu kuli Kalunga! Haleluya!”

<sup>247</sup> Echi chamwaza. Jino, anuka, Kangweshi nakupaisa chizeko. Ngwafwelela kalamuthu kwivwushisa echi. Muthuumwe ambile ngwenyi, “Ndumbu walunga Branham kanda kufwelela

mukuhanjika ko, ‘Upahu kuli Kalunga! Haleluya!’” Chamwaza, tala hali yami hano jino. Ngwafwelela mukutambakana, kuhanjika na malimi, kukina mu Shipilitu.

<sup>248</sup> Oloze, ndumbu walunga, omwo ove muhonene kwivwa lize Lizu lyalindende lya Lizu, chize chinapu chuma chize uli nacho. Chize chikiko chuma.

<sup>249</sup> Eliya atachikijile kuhizumuka chosena apwile nakuya kusali. Oloze ikiye apwilenga... Echi kanda chimulukwise muchima kuweluka wa echi. Oloze omwo ikiye evwile lize Lizu lyalindende lya Kalunga, kahajino ikiye apwile lyakwishile. Kaha ikiye alifwikile meso eyi, kulovoka. Mwomwoika? Elija apwilenga Mukatanga ya Apalahama, kukavangiza lize Lizu.

<sup>250</sup> “Kachi enu namupwa muli Yami na Mazu Ami muli enu, kahajino lomba kala chuma ove unatondo, echi nachiya nakulingika hali ove.”

Echa etu tunongame mitwe yetu chindende kaha tulombe.

<sup>251</sup> Mamalelo, liuka, omwo, omwo Nanguhita nakunangula nge ngachize, omu Ngulinakwivwa! Ou Shipilitu kuholokela hali yami, kaha Ngwatalile kunyima, Ngunamono vathu navaya nakushikumuka mujimboloso javo kaha kufumisamo kulya chakufuma kuli vana vavo, kunguhana yami. Ngwamono mapwevo muno, pamo na jikambu jajihi, chumamuka vakiko navalinga? Vakiko kuhasa kulinga kalachuma muno mukaye hali yami chize vanahase kulinga. Lunga wakuyoya na pwevo nge ngachize, kaha yami kuvatula vihanda na eli Lizu, kulemeka muchima, chivezu chenyi kushikumuka hamavu, kaha olozenyi uze muthu kulovoka hano kaha ndungo, kaha kungutumina chamulikumi chenyi. Echi chakwoloka. Jino echi cheji kungwisa sonyi, kukinduluka mumusonyi jino, kwivwa, “Chumamuka—chumamuka Ngwhanjikanga?” Kangwatwalanga nge kachi ngulemekeko, echi kacheshi ngachizeko.

<sup>252</sup> Oloze, mamalelo, ndumbu walunga, na sepa lyami wapwevo wamundende na ndumbu walunga, kachi eli linapu Lizu lya Kalunga, kaha eyi yinapu Shipilitu Yenye kulingisa eli Lizu kwiza kukuyoya, kuli enu, nachiya nakupwa ngachilihi ha Likumbi lya Kusopesa? Nguli nakweseka kumilingisa enu kupwa vakulizanga ha likumbi lize. Mwane, ngwalembe mbata Lizu Lyenyi. Kachi Nangunangula kalachuma chize kacheshi Lizu ko, lushiko lwa Kalunga, kahajino ove ukwechi lisesa lya kwiza kuli yami. Oloze eli linapu Lizu. Kaha lili mwomwo Ngwakuzanga ove.

<sup>253</sup> Keshi mwomwo Kangwa—Kangwatondele enu kupwa muwato. Echi chili mwomwo uze wato kaweshi kuhsa kukumbatako nakukutwala. Ove muya nakuchikika, likumbi mumakumbi aze.

<sup>254</sup> Ove ukwechi kwiza kukusopesa. “Kupwa namulonga hahandende kaha namulonga havyosena.” Kaha omwo enu

munatachikiza kalachuma chili chakwoloka kulinga echi, linapu Lizu lya Kalunga na lushiko kulinga echi, kahajino ove kaweshi kuchilingako, kahajino ngachilihi echi? Ove navakakuhula mulonga, ika jino? Omwo ou Mujimbu chimene chino meso ove kuze ha chisaji, ha Likumbi lya Kusopesa, ngachilihi echi? Shinganyeka hali echi, masepa. Enu munahase kufwa shimbu kanda likumbi lipweko. Etu vosena tunahse. Kaha chuma chimwe pundu, ove muya nakufwa.

<sup>255</sup> Ngwemanyine likumbi likwavo kutala mama yami, ngumukwate ha livoko lyami. Ngwakwachile tata yami wamundende shimbu kanda chize, kaha kutala ikiye ayenga.

<sup>256</sup> Ngunavamono vakiko kwiza kusongo ya jila, vaze vashinganyekele nge vakiko vapwile vakwoloka. Kuhanjika, “Mamalelo, Ndumbu walunga Branham, mamalelo, kachi Nanguhasa kaha kuyoya chindende!” Kukotokela jino. Kaha anuka, kufwa kachalumukako mwono, yeji kaha kwalumuna chihela chautwamo. Kaha kachi enu namumona chumachimwe mukachi kenu, pwenu vakuzangama jino, kachi ove mumona chize chumachimwe mukachi kove kukulingisa ove kulinga muli ize jila na kwivwa nge mujila, nge ove watela kwivwa, alumuka chakupihilila chimene chino. Nauya, sepa? Twaya. Pwako. . . Ove kawatela kupwa nge ngachizeko. Ove unapu muthu wakuvindama. Yoya nge Mbuto ya Wangana. Kalunga namitondo enu lelo.

<sup>257</sup> Unahase kuzundula livoko lyove, shimbu mutwe wove unanongama, na muchima. Kuhanjika, “Ndumbu walunga Branham, Ngunazundula livoko kuli Kalunga. Mukushishika, kufuma mumuchima wami, omu mukiko Ngwatondo kupwa. Omu mukiko Ngwatondo kupwa. Ngukwechi—Ngukwechi kulifutula muze hano kaha vyumavimwe nawa, oloze kupwa vene Kangwa—Kangwatondele kupwa nge ngachizeko. Ngwatondo kupwa omu ove unahanjikanga na chimene. Ngulombeleko, Ndumbu walunga Branham. Nguli nakukatula mavoko ami kuli Kalunga, keshi kuli oveko, Ndumbu walunga Branham, oloze kuli Kalunga. Kaha mukachi ka muchima wami, Ikiye atachikiza muchima wami, Ngwafwila kupwa muyachi wa Mukakulishitu enu muli nakuhanjikaho, Mbuto ya Wangana ya Apalahama, kuhichila muli Yesu Kulishitu.” Katula livoko lyove jino nakuhanjika, “Nanguya. . . Ngulombeleko, Ndumbu walunga Branham.” Kalunga akukisule. Kalunga akukisule. Punduvane Ikiye mwaya nakuchilinga.

<sup>258</sup> Ove Tata wa Mwilu, mu Kumunyika cha Lizu Lyove, mu ngolo ja kusanguka Chove! Kaha Ngunatachikiza, Mwata, nge vathu vakuhutwa lwola lwaluvulu vanachongonona hano, kuhichila mukuhandunuka. . . Vaze vathu vahonene kutachikiza mwakulingila; umwe kwiza, kuhanjika chuma chimwe; kaha umwe kwiza, nakuhanjika mukwavo.



<sup>259</sup> Kaha hano mu Phoenix, eyi mbongi yayinene ya—ya, chamwaza, vakakuyajisa, kuze vyumavimwe kufuma kusali ya lifuchi kwingila muli echi, mwosena na mumujimba na mumushipilitu. Kwimana ha pili, likumbi likwavo, kaha kushinganyeka kapapa kangahi Lijina Iya Kalunga kumizachisa mwamokomoko mulikumbi hano, maujila angahi mwalingile, shili jingahi kulinga mujijila hano, kaha kwakunuina wala na kwakuhemena, kaha vyuma vyosena, vavavulu muli vakiko kulivuluka kupwa vakakufwelela, Vakakulishitu!

<sup>260</sup> Mapwevo kuya nakushikumuka mujila, na likanya mulivoko lyavo. Kutambuka na uvwalo waunyengwe, omwo Ove wahanjikile echi kunuka kumeso Ove, “Echi chinapu chaunyengwe,” nge chamwaka, majilo, chaunyengwe, kunuka masu kumwe. Ove Kalunga, nachipwa ngachilihi pwevo uze alivuluka kupwa na Shipilitu Wajila kulinga chuma kana, kaha kutachikiza nge mu mazu a Mulwilo, chize kunuka nge ngachize, kunuka? Kaha Ikiye mwapwa ngachilihi na chuma kana nge mu Wangana Wenyi? Tata, kachi vakiko vatachikijile kaha, vakiko vanapu miliyoni milosi kufuma kuli Echi.

<sup>261</sup> Ngwalombo, Kalunga, pwako na keke. Naumwe natondo kuya kuli chize chihela chakujimbala. Naumwe pimbi natondo kuya kuze, Tata. Kwakusuku na etu tuli nakuya. Ohonyi mukachi ka muchima wamwaza muli uze muthu, uze lunga, uze pwevo, lunga mokomoko pwevo uze apwa mukulihana kaha wamwaza kaha walikoji, kaha vanamuhungumwisa kuli liyavolo. Uze liyavolo kulinga ngachize.

<sup>262</sup> Satana, Nguli nakole na ove, mwomwo ove unapu mukakole wa Mwata wami. Ove unapu mukakole wa Lizu Lyenyi. Kaha Ngunakulweke, hali Yesu Kulishitu, uze Mwana Kalunga, kupwa muuthu, kutachikiza nge Kangweshi na ngolo mukachi muli yami lyaveneko. Kangweshi nangolo jakukwimika oveko. Kangweshi na ngolo ja kulingisa kala mapwevo kupwa vatoma, kala hali ava malunga, vali nakwivwulila kuli eyi tepu, mokomoko—mokomoko kwosena. Kangweshi na jila yakuvalingisa kupwa vatoma. Yami kangweshi na ngoloko. Oloze Nguli na ngolo ja Lizu Iya Kalunga, nge ngamba, kunangula Echi, kaha wakukashiwa kuli uze ngolo. Chipwe ou kapokola ali hano keshi nangolo jakukwimika motokako, oloze ikiye akwechi lisesa lyakulinga ngachize.

<sup>263</sup> Kaha, Satana, ove unahase kuhanjika kutongo yove, mwomwo Ngunakulweke ove, hali Yesu Kulishitu, nge ove kasununa ava vathu, kuhita mukaye kosena, kala kwosena ou Mujimbu unahase kuya. Kavakasunenu. Ngunavakale, nge vakiko vali vakulanjika. Vakiko kaveshi voveko. Vakiko vavalanda na ndando, vakiko vanapu Mbutu ya Wangana ya Apalahama, uze Mwata Yesu.

<sup>264</sup> Ove unyengwe, majilo, kunuka cha kulyonga,

mukakuhungumwisa vathu, kutwala muupuputa nakuvengisa muwina wa hetese, vakasunune. Ngunakulweke, hali Kalunga wakuyoya, ha Mulambu wa Mwan Nenyi, Yesu, nge ove uvakasunune, nge myono yavo yinahase kupwa yakuzala na kukisula Chenyi na Kupwa Chenyi, mangana vakiko vahase kuheta chikolo cha mukakole. [Hatepu hapimbi—Muka.] Ove watela kuvandamina hali *echi*, *chize*, mokomoko *chikwavo*, mokomoko chuma chimwe chajila, mokomoko chumachimwe cheka, oloze Ngulin nakuhanjika ove ulinnakuya nakukasununa kukasa chove.

<sup>265</sup> Kaha misongo nayimana ngachilihi mukuwavisa changachize? Kuvangila kaha vakiko navakana kutala kusali ya lushiko nge tata Apalahama omu alingile, omwo ikiye ahashile kumona Ikiye mukutala mumyaka handulendi, kwiza.

<sup>266</sup> Vakasunune. Mu Lijina Iya Yesu Kulishitu, echa vathu vayenga.

<sup>267</sup> Echa ngolo ja Kalunga, kwivwushisa cha eli Lizu, nge omu vakiko vali vakukosa na chimene Echi, echa kwivwushisa cha kulama Lizu Iya Kalunga na jishiko Jenyi jamuchano, yikwate chize kacheshi kuhasa kuchihokola kuli Satana. Echa umwe wosena akwachilile kuli luze lushiko, kuhanjika, “Echi chikiko Echi. Nguli nakukwachilila kuli Echi. Kalunga ashikile lushiko. Yami mbutu ya Apalahama. Kaha Nangukasana lushiko Lwenyi ngachilihi?” Kaha kutambuka hazevene, kuhichila muli Yesu Kulishitu, Mwata wetu. Amena.

Ngwamuzanga Ikiye . . .

<sup>268</sup> Echi chinapu kuvatula chimene chino, masepa. Echa tulifukule jino mukuyema.

Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

<sup>269</sup> Chinahase kupwa chachashi, keshi nge wakuhona kalemesako, punduvene keshi. . . Echi chinapu—chinapu kulifukula. Echa twimike mavoko etu kuli Ikiye etu twazanga. Kaha hanjika:

Ngwamuzanga Ikiye, Ngwamuzanga Ikiye  
Mwomwo Ikiye avangilile kunguzanga yami  
Kaha alanjile ulwilo wami  
Ha mutondo wa Kavali.

<sup>270</sup> Jino, kuli kala pwevo mokomoko kanyike wapwevo muno, eli linapu livoko Iyami. Kalunga akuzanga ove. Kuli kala lunga mokomoko kanyike walunga muno, Kalunga akuzanga ove. Ngwakuzanga ove. Jino, Kangweshi kuhasa kufuma na kumbata umwe kumavoko oveko, oloze Kalunga alinakusolola kuli ove omu Ngwatwale. Shimbu etu natwimba cheka, alumuka kaha nakulimeneka mumavoko na muthuumwe. “Omu mukiko vathu

vosena navakatachikiza nge enu mwapwa tumbaji Twami, omu enu namupwa nazangi, ya hali umwe namukwavo.”

Ngwa . . .

. . . alanjile ulwilo wami

Ha mutondo wa Kavali.

Ngwamuzanga Ikiye, Ngwamuzanga Ikiye

Mwomwo Ikiye avangilile kunguzanga yami

Kaha alanjile ulwilo wami

Ha mutondo wa Kavali.

<sup>271</sup> Kaweshi kumuzanga Ikiyeko? Chize kuyema cha Shipilitu Wajila! Eli Lizu linapu lyakutomesa, kukutomesa ove, kukulingisa ove kupwa tengeso yayihya, kufumisa vyove vyosena. Eli Lizu linapu lyakuvambuka kuhambakana poko yauvela kuvali, kuyivatula, kuvatula vyuma vyosena vya kaye. Talenu? Kahajino etu tuli nakwivwa vatoma, kwitavila na kufwelela Ikiye. Omu mukiko etu tunahase kwimba:

Ngwamuzanga Ikiye, Ngwamuzanga Ikiye

Mwomwo Ikiye avangilile kunguzanga yami

Kaha alanjile ulwilo wami


Ha Kavali.

<sup>272</sup> Chize chamwaza? Ngwazanga kaha muchima wami wosena. Talenu? Echa tweseke echi cheka, kalamuthu jino, mwamwene mwene, helu lya lizu lyove jino.

Ngwamuzanga Ikiye, Ngwamuzanga Ikiye

Mwomwo Ikiye avangilile kunguzanga yami

Kaha alanjile ulwilo wami

Ha Kavali . . . 

62-0121M Kaha Mukatanga Yove  
Mwakaheta Chikolo Cha Vakakole Jenyi  
Faith Tabernacle  
Phoenix, Arizona U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)